

F 72
1873

875
N.V.-X

კრებული

სალიტერატურო ქურონალი

გამოცემის

ჩუოა წლიდამ

192

—

1873

მეზვიდა წიზნი

—

თფილისი

შელიქიშვილის და ამხ. სტამბა

1873

1873

Дозволено цензурою. Тифлисъ, 17 Сентября 1873 г.

1873

993087 190808

მეზვიდე წიგნის შინაარსი

გვერ.

- I.—კილოს მიმოქცევა (პლემევევიდა) ლექსი / 1.
- II.—ქართული სახალხო პოეზია, გლეხური სიმღერები, ლექსები და ანდაზები შეკრებილი რაფ. ერისთვისაგ ნ 6*
- III.—ეგმონტი, გოტეს ტრაგედია (დასასრული) ნათარგმნი გ. წერეთლისა . . . 31.
- IV.—გლეხური სიმღერა (ილ. ჭავჭავაძის შეკრებილთაგანი) 170.
- V.—ჩემ პიროვნობაზე, პოლემიკური სტატია ნ. სკანდელისა 171.
-

უმაჯრასი უმცოღეზი



1873 წლის „კრებულის“ მეშვიდე წიგნში.

ბიბლიოთეკა

გვერდზედ. სტრიქ. დაბეჭდილია. უნდა იყოს.

- | | | | |
|-----|--------------------------|--|---|
| 120 | (კლერხენის
სიტყვებში) | რაც მე ის მაქვს.თქვენ
ყველას გაკლიათ. | რაც მე მაქვს, ის თქვენ
ყველას გაკლიათ. |
| 228 | ზევიდამ 6 | ეგმონტი მოძულეებული | ეგმონტი ასე მოძულეებული |
| 131 | ზევიდამ 1 | შენ მე შენად დასახე | შენ მე შენად დამსახე |
| 134 | (კლერ. სიტ.) 4 | სიოსა თქვი. | სიოსა. თქვი. |
| 144 | ქვევიდამ 5 და 6 | აუმართებლობამ | მმართებლობამ |
| 171 | ზევიდამ 1 | გლოვს ბერდიაი | ბლოვს ბერდიაი |

კილოს მიმოქცევა

(პლეშჩევიდამ)

I

ვინაც დაგესწროთ გზაზე ავდარი,
ვინაც ჩვენ შორის აღარ ხართ დღესა,
ყველას გულითადს სალამს გიგზავნი
და მოგილოცავ თან ახალსა წელსა.
დაე სალამი ამ ჩემ მოლოცვით
მქროლე ნიაჲმა თან წარიტაცოს,—
და თქვენ, წაღებულს ცხოვრების დღევით,
შორს ქვეყანაში მსწრაფლ მოგიტანოს!

ყველას ვინაც მტრობ უმართლოებას,
ვინც აღუდგები, ჰსცემ ბოროტებას
და მორჩილებით თავს არა უხრი
ჩვეულებრივსა მათ საძაგლებას,—

ყველას გიგზაენი ამავე სალამსა
 და ვისურვი, რომ წელსაც ახალსა
 მოეცეს თქვენთვის ძალა ბრძოლისა,
 უბედობაშიც სიმხნე სულისა!

II

ზალა გაივსო დღეს კაცებითა...
 აქ ყველაფერი სიმდიდრით ელავს!
 და ერთმანერთსა აღტაცებითა
 ყველა ახალსა წელსა ულოცავს,
 რა ზოშიერად, რა ზრდილობითა
 და თავ-დაჭერით არიან ამ დროს!
 გამოწყულია სულ დრამობითა
 სიტყვა, მიმოხრა ამ მოლოცვის დროს!

რა საუცხოვეო და რა ნაზია
 აქ ყოფა-ქცევა და საუბარი:
 არც ერთს აქ მყოფსა არ უკადრია
 ფიცხი მიმოხრა, ან ხმა მაღალი!...

უცებ იქუხა ბალის მუზიკამ,
 ლაპარაკისა ხმა აღარ ისმის;

ოჰ, რა შეწყინა!... არ დაშაცალა
ყურის-დაგდება ბრძნულ მუსაიტის.

თორემ დილამდის ლმობიერებით
სულ ვისმენდი აქ ამათ ყბედობას
მაზედ, თუ როგორ წახდა ზნეობით
ახალ-გაზღობა ამ ჩვენს დროებას.

აი მოხუცი, თეთრ თმით შემკული,
რა გულ-მხურვალედ დარდობს იმასა,
რომ: „ყმაწვილები გარდარეულან,
„არ აფასებენ... ჩინსა და ჯვარსა!

„რაც წმინდა არის და მშვენიერი,
„ყველას ისინი ლათითა სვრიან;
„და ჩვენ მეტადრე მას უნდა ვსწუხდეთ,
„რომ ისინი ზნით წამხდარ არიან.

„ყველა მათგანი ჩემობს გრაკობას,
„იგონებს გლეხის უბედურებას
„და კანონითა დედა-მიწაზედ
„გლეხებსაც ჩვენებრს აძლევს უფლებას!“

ოქროს პირი აქვს უთუოდ ამ კაცს!
 სიხარულითა გული მიფეთქავს,
 როს მაგონდება, რომ მრთელ წელიწადს
 უნდა ვუყურო ამგვარ საუბარს.

III

არ დაივიწყო, რომ ვალი გაღვეს
 მისი, ვინც ობლად, ღარიბად არი,
 ვისც გაჭირების უღელი აწევს,
 ვინც მწუხარება, მჭლევ და ფერ-მკრთალი!
 არ დაივიწყო, რომ ზეცამ მსგავსი
 მოგცათ ორივეს წმინდა უფლება
 მაზედ, რითაც არს ეს დღე ძვირფასი,
 რაც არს ამ სოფლის კმაყოფილება!

არ დაივიწყო ის მოწამეებიც,
 ვისაც გვირგვინი ეკლის დაადგეს,
 როცა ისინი ხალხს გზას უკვლევდნენ —
 რომ აღორძინდესო, ახალ გზას დაჰდგეს!
 და ნუ გშურს, ძმაო, რომ შენს სახლშია

კილოს მიმოქცევა

დაქანსულგება წმინდა ბრძოლითა
ტანჯვის მალამო, ღელვის დროს ბინა
მისცე ერთგულის, ძმურის ხევენითა!

ქართული სახალხო პოეზია

(გლეხური სიმღერები, ძველი მესტიური ლექსები
და მდაბიური ანდაზები.)

ამ უკანასკნელ დროში, ზოგიერთთა პირთა განიძრახეს დიახ სასარგებლო და ჩვენთვის სასიამოვნო აზრი: ძველებური მდაბიური სიმღერების, ლექსების და ანდაზების შეკრება, რომელნიც გლეხებმა და სხვათა მრავალთა ჯერჯერობით ზეპირათ იციან და წერილით კი არსად გვევსულებოდა. — ყოველი მოყვარული მშობლის დედა-ენისა და ქართულის ლიტერატურისა უნდა დაეჩქაროს და იმეცადინეოს შეკრებისათვის ესე გვართა, ვიდრე იგინი, ჯერ კიდენ, სრულებით არ დაეიწყებია ხალხსა.

ილია ჭავჭავაძემ გვიჩვენა რაოდენიმე ნიმუში გლეხების სიმღერებისა და პ. უმიკაშვილი კი ამზადებს ცალკე გამოსაცემათ

მისგან შეგროვებულს ძველს სიმღერებს და ჩვენც მოუთმენლათ მოველით ამ გამოცემას.

ურიგო არ იქნება, რომ სიმღერების შემკრებელთ ითაფონ შეგროვება: ზღაპრებისა, მეტყვირული ლექსებისა, ანდაზებისა, გამოცანებისა და სხვათა ამ გვართა, რადგან მათში ხშირათ გამოსჭვირს ბევრი მოსწრებული სიტყვა და აზრი, კეთილშობილური გრძნობა და ჩვეულება ხალხისა; ისმის მათში ნამდვილი ქართული ენის ბრუნვა და მიმოხვრა და, დასასრულ, ზოგიერთი მათგანი დაგვემსახურებიან ისტორიულ მასალებათაც...

ჩემის მხრით წარუდგენ მკითხველებს შემდეგთა შეგროვებულთა ჩემმიერ ძველებურს სახალხო ლექსებს, სიმღერებს და ანდაზებს და ალაგ-ალაგ დავერთავ, აღსახსნელადაც, განმარტებასა, თუ როდის და რა შემთხვევაში იხმარებიან ზოგიერთნი მათგანნი:

I

„ქალო ანაო, ბანაო,
 ხელ-პირი დაგებანაო,
 შენი ხელ-პირის ნაბანი
 აეჭალას ჩამომდგარაო,
 სამი აეჭალა აესილა,
 მეოთხეს გადამდგარაო,
 შიგ დიაკვანი დაშხეჩვალა,
 საბრალო დედის ერთაო,
 გალმა ეძებენ ნაეითა,
 გამოლმა ოქროს კაეითა,
 იპოვეს, გამოიტანეს,
 პირი ამსოდა შლამითა,
 ქოჩორი ჩალა-ბულითა...
 იმისი დედა მარიაჲ
 შეღებულიყო შავითა,
 წინ ქალი შემოეყარა:
 „დედაე სად მიხვალ შავითა?“
 — „ნეტავი არა მკითხვავდე,
 შვილი მომიკლეს დანითა,

ქართული სახალხო პოეზია



ანდაზედ ჩამომიკიდეს,
მაყურებინეს თვალითა!...“

II

შეილი ამბობს სიზმარს და დედა კი უხს-
ნის.

დედა & შეილი
(იავ-ნანის ხმაზედ.)

შეილი. „აღვის-ხე წამოქცეულა, დედავ, რაჲ, რაო?“

დედა. — „ის ხომ შენი ტანი არის, ვაჲ შენს დედასაო!..“

შეილი. „შტოები ჩამოსცვივნია, დედავ, რაჲ, რაო?“

დედა. — „ის ხომ შენი მკლავებია, ვაჲ შენს დედასაო!..“

შეილი. „ორი მტრედი შამომჯდარა, დედავ, რაჲ, რაო?“

დედა. — „ის ხომ შენი თვალებია, ვაჲ შენს დედასაო!..“

შეილი. „ერთი ჩიტიც მიფრინავდა, დედავ, რაჲ, რაო?“

დედა. — „ის ხომ შენი სული არის, ვაჲ შენს დედასაო!..“

შეილი. „წყალს კიდობანი მოჰქონდა, დედავ, რაჲ, რაო?“

დედა. — „ის ხომ შენი კუბო არის, ვაჲ შენს დედასაო!..“

III

„ბაღჩაშია გადვიხედე, ქალი ენახე მწოლიარე,
თავით ედგა თეთრი ვაშლი, ფერხთით უფრო მსხმოიარე.“

IV

„მინდორშია თეთრი ქვაო, ავწიე და არ ამყვო,
ქალო შენი სიყვარული, საცა წაველ, თან წამყვო.“

XV

„ჰვერო, ჰვერო, ჩიკრიკო და მწყერო!
ჩიკრიკისა მთაზედა,
გველი იწვა ქვაზედ,
მიველ ტყავი აეხადე,
შიგ აბაზი ვაპოვე,
წაველ დედას ეახარე,
დედაძ კვერი დამიკრა,
მამამ ტყეში წაილო,
იმაზ გვრიტი მომგვარა,
გვრიტმა კვერცხი დამილო,
ამიგორდა, ჩამიგორდა,
ხუცის ცოლთან მიმიგორდა,
ხუცის ცოლი შინ არ იყო,
კარს უკანა ფურსა სწველდა,
ფურმა წიხლი გაიქნია,



ჯამ-ჭურჭელი დაუმტვრია,
პატარძალი გაგულისდა,
ცხრა ყმაწვილი აატირა,
თითო ვაშლი დაურიგა,
ისევ თვითონ დააჩუმა.“

VI

(იგივე ლექსი სხვა ნაირათ.)

ერთი მე ვკარ, ერთი ჩემმა დობილმა,
დობილს თვალი გაჰვარდა,
კალათაში ჩავარდა,
წაველ დედას ვახარე, (?!)
დედამ კვერი დამიკრა,
მამამ ტყეში წაიღო,
იბან გვრიტი მომგვარა,
გვრიტმა კვერცხი დამიღო,
ავაგორე, ჩავაგორე,
ხუცის ცოლთან მივაგორე,
ხუცის ცოლი შინ არ იყო,
კარებს უკან თავს იბანდა,
ერთი ასეთი გ.....უა,

ცხრა ბორბალი დააბრუნა,
 ჯამ-ჭურჭელი დაამტვრია,
 ყმაწვილები დააღვიძა.“

VII

(იგივე ლექსი სხვა ნაირათ.)

აგრე, აგრე მთაზუნდა,
 გველი იწვა ქვაზუნდა,
 მიველ ტყავი გავხადე,
 შიგ აბაზი ვიბოვე,
 წაველ დედას ვახარე*..... და სხვანი.
 (ბოლო ისეთი, როგორც სხვების.)

VIII

(მშობიარეს დაუსხდებიან ქალები და უმღერენ)
 «მზე შინაო, მზე შინაო, მზეც შინ შემოდიო!..
 მზე დაწვა და მთვარე შობა, მზეც შინ შემოდიო!..
 იაგუნდის მარანშია, მზეც შინ შემოდიო!..
 ვაჟის მამა შინ არ არის, მზეც შინ შემოდიო!..
 ქალაქს არის აკვინისათვის, მზეც შინ შემოდიო!..
 აკვნის იარაღისათვის, მზეც შინ შემოდიო!..“

IX

(უქმე დღეს სოფლის ქალები იმღერიან, ტაშს უკვ-
 რენ და ბანს მოსძახიან; ერთი კი მათგანი დაუვლის,
 ცეკვავს და თან ამბობს ამ ლექსს:)

„ლე, ლე, ლეკურ-კაბა!

დედამ კაბა შამიკერა, დარაია ხრიალაო,

წითელი ქობა მოავლო, ბუზმენტები წკრიალაო...
 აბა მაზლო შამომხედე, როგორ მადგა ტანშიაო?...“

— „ღმერთმა შენცა შეგარცხვინა, შენი კაბის არშიაო!...“

„გაგაკარ ხელი, გავიხადე, ჩავდე ზანდუკჩაშიაო,

ნაპერწკალი ჩაჰყოლოდა სახელ აზლუტაშიაო,

მეორე დღეს ამოვიდე, ფერფლი მეცა თვალშიაო,

დავჯექ და ბევრი ვიტირე, არ გამოველ კარშიაო!...“

X

(ამ გვართვე სოფლის ქალებისგან ტაშის კვრა, ხო-
 ლო სხვები არ იმღერიან, მართო მოცეკვარის მეტი,
 რომელიც დაუვლის და ამ სიტყვებს დასძახის:)

„ზეცას ვიყავ, ზეცა ვნახე,

ვარსკლავებსა დავეძრახე...

მთვარემ კაცი მომიგზავნა:

„აქ იყავ და არა მნახე?..“

„— შენმა მზემ, არ მეცალა:

ყმაწვილის ქუდსა ვკერავდი,—

შიგნით უვლებდი არშიას,

გარედგან ოქრო-მკერდამდი...“

XI

„მეო, მეო, ძმაო დემეტრო,

წმინდის გიორგის კარები, როგორ გააღეო?...“

— „ხელი შეეყავ, ვაჯაყჯაყე, კლიტე გავტეხეო,

მღვდელმა კარებზე მომასწრო, თოფი დამცა მეო,

სისხლიანი ახალუხი კარს უკანა ძეო,

ადე, დაო, და გარეცხე, ღობეს მიჰტინეო,

ბანზედ ქოჩორი ჰტენია, ადი, აკრიფეო“...

XII

(სოფლის ქალები ორ კერძოთ გაიყოფიან: ერთი პირი ცალმხარეს დადგება და მეორე პირი — მეორე-

მხარეს, მათ პირდაპირ და დაიწყებენ სიმღერას, ასე რომ, ჯერ რომ ერთი მხარე იტყვის სიმღერით ლექსს, თან სკუპით წინ წაიწევენ და მეორე მხარე რომ პასუხს ეტყვის იმნაირათვე, პირველნი უკან დაიწევენ იმ დროს. — ხელი ხელთ კი აქვთ ჩაღებულნი იმ დროს ქალებს ერთმანერთისაგან.)

პირველი მხარე.

„ა ნიშანი, მოგვე ქალი, გულას გარდამაო
მეორე მხარე.

— „არც მოგცემთ და არ ვიკადრებთ, თამარ კარგა
გვყავო!...

პირველი

„მეძროხის ცოლათ მინდოდა, გულას გარდამაო!...
მეორე

— „მეძროხე ნუხვინია, თამარ კარგა გვყავო!...

„მეცხვარის ცოლათ მინდოდა, და სხვ.

— „მეცხვარე კურკლიანია და სხვ.

„მეღორის ცოლათ მინდოდა,

— „მეღორე ტილიანია,

„მეზატის ცოლათ მინდოდა,

— „მეზატე სუინტლიანია,

- „მამე თორემ მოვიტაცებ,
 — „ვერც მოხვალ და ვერც ხელს ახლებ,
 „ნიშანი მოგვიტანია,
 — „არ გვინდა შენი ნიშანი,
 „ასის თუმნის ფარჩა არის,
 — „არც შაურის ძონძებია,
 „ზანდუხჩაში ნადებია,
 — „სანახევზე ნადებია,
 „შენი ქალი—თაროს თავგი,
 — „შენი ვაჟი—მუხის კუნძი,
 „ხახვის ფოჩი, მოგიჩოჩდი,
 — „მოველი და მოვიტაცე,
 (აქ მისცვივიან და ქალს წაართმევენ მეორე მხარეს.)

XIII

„მე აქედან ვერა გხედამ ველი მიფარებს წინარე,
 შენისა სურვილისაგან დაბნედილივარ მძინარე,
 აურვილმან ასე გამხადა, წამოველ ველარ ვიარე,
 ეს ჩემი თავი მოგიკედა, მოკითხვა დაგიგვიანე;
 აქედამ ვერა გხედავ ნისლისა და ბურისაგან,

კაცი შემოიჯერებია, ქალო, შენის კითხვისაგან...
 შენ უჩემოთ როგორა სძლებ, მიკვირს შენი გულისაგან?
 მოძულეობას არ მოველი შენის კარგის თავისაგან;—
 მომიძულეობ? კარგათ მყვანდე, მე მკირს ჩემი ბედისაგან,
 ავათა ვარ, მოდი მნახე, თან წაშალი მომიტანე,
 თუ რომ მოვკვდე, დამიტირე, ცხარე ცრემლი დამაყარე,
 შენი ქოჩრის ნაგლეჯები, დამწვარ გულზედ დამაყარე,
 სამარის კარს მიმიტანე, მუჭით მიწა მომაყარე...“

XIV

„ირემო მთასა მყვირალო, ვინ ჩამოგაგდო ბარათა?
 — „ჩემი მეუღლე მომიკვდა, დავიარები ცალათა...“

XV

„ეო, მეო, ქალო-ქალთა მზეო,
 შენი ძმების ღხენასა,
 წისქვილს ჩამომყეო,
 წისქვილს უკან ჭალა არის,
 ჭალას უკან — ტყეო,
 ფური მგელმა შამიჭამა,
 ხბო იძახის: „ბეო!...“

XVI

„ა, ქალო მძივი, რა მძივი, სათმეურისა მინაო...“

— „არ მინდა, შენი ჭირიმე, მიჯავრდებიან შინაო: ქმარი მცემს, მაზლი მაგინებს, მული მილესამს დანას, თუ დედამთილმაც შამიტყო, გამომასალმებს ყველასა...“

„ა, ქალო, ვაშლი, რა ვაშლი, უბეს ნადები, ნასეტყვი...“

ამალამ შენთან წამოვალ,

— გულის ჭირიმე, რას მეტყვი?...“

XVII

„ქალი წავიდა წყალზედა, თან გავადევნე თვალია, აავსო კოკა, კუტალი, შიგ გაუყარა თმანია, მიდის და მიდუღუნებდა: „ღმერთო მომიკალ ქმარია! არ დამიგრიხა საბელი, მიწყდება გიშრის თმანია...“

XVIII

„რავქნა, რა უყო თავსაო, მერმე პატარა ქმარსაო, არ შაუქლიან შენახვა, არც დამანებებს თავსაო...“

XIX

„აი მთაზედა, თოვლიან^სზედა,
ია დავთე^სე, ვარდი მოსულა,
ია კოჭამდის, ვარდი მუხლამდის:
სიძე სიმამრი ტყეს ნადირობდნენ,
სიმამრმა სტყორცნა სიძე კი მოკლა...“

— შეილო თამარო,
როგორ მოგივალ?

— ქმარი მოგივალ!...“

XX

„ქალო, ქალო შევ თვალო,
ბიჭმა შამოგითვალო;

ან მამე ჩემი დანაო,

ან წამიყვანე თანაო.“

XXI

„ესე წიგნი ჭრელიაო,
შენთვის მომიწერიაო,

გენაცვალე ნუ გამიშვებ,
 სიყვარული ძნელიაო...”

XXII

„ადგილზედ ფეტივ დამებნა, ვინ აჰკრეფს წიწილის
 მეტი? —
 მე და შენსა სიყვარულსა რა გაჰყრის სიკვდილის
 მეტი?”

XXIII

„ქალ-პატარძალი ტიროდა ქართლისა შუა გზასაო,
 დავყარე წვრილი შვილები, ვერ გამოვასხი ზღვასაო,
 იმისი სული კრულია, რა ქალიც ენდოს ქმარსაო:
 კობტასა, ამპარტავენსა, აზნაურისა ყმასაო;
 წუხელის ლაშქრით მომიხტა, შუა ღამისა ხანსაო,
 შორიდამ შამამიძახა: „რათ არ გამიღებ კარსაო?...“
 — ავდექ, ავანთე სანთელი, მივარდი გვერდის კარსაო,
 ოქროსა სკამი დაუდგი, — დაბრძანდი ღმრთისა მადლსაო..
 — „მე, ლეთისი, ღვთისი“ რა ვიცი, თათრულათ მო-
 გჭრი თავსაო!..“
 ავდექ და გამოვიპარე, ამ უგზო-უკვლო, გზასაო...”

XXIV

„ქალო თამარო, მინდორს გეძინა,
 ზედ რა გეხურა? — „ზარი, ზარბაზი...“

„მოველ აგზადე, საპი გაკოცე,
 სამმა კოცნამა ფერი გიცვალა,
 ფერმა ნაცვალმა წიგნი დაწერა...“

ახ, ვის მისწერა? — „დავით მეფესა.“

„რითი დაწერა? — „ბროლის თითითა.“

„შიგ რა ჩაწერა? — „ღიბა, ატლასი...“

„რითი გაგზავნა? — „ნიაგ-ქართა.“

„რით წაიკითხა? — „სისხლას ცრემლითა!..“

XXV

„მე ზემოდღამე წამოველ,
 გადმოვეყე ქორცხ ქროლასა,
 აქ უარესსა შაფესწარ
 რძალ-დედამთილის ბრძოლასა;
 უფროსი რძალი დედამთილს
 თავსა უგლიდა კერასა,

უნცროსი რძალი იძახის:

„ღმერთი გაგიწყრათ ყველასა!...“

XXVI

„კურღელმა თქვა: „ჩიქვი ვზივარ, ვერვინ მოვა
 ჩემზედო,
 შავიხედე სერზედო, ბატონი ზის ცხენზედო,
 შინ მეძებრები მოუძღვის დაგეშილი ჩენზედო,
 ერთმა წუწკმა მეძებარმა კბილი გამკრა გვერდზედო,
 გამწიეს და გამომწიეს, ჩამომკიდეს ცხენზედო,
 მზვარეულებს მიმაბარეს, „კარგათ შაწვით ცეცხლზედო.“
 იმ მამაძალს მზვარეულებს, რა ყოფა აქვთ ჩემზედო..“
 ცალი გვერდი ცეცხლმა დამწო, ცალი ერბოს ცხებამაო
 ამარიგეს, ჩამარიგეს წვრილ-წვრილ ლამბაქებზედო,
 ხორცი ხორცათ შემიჭამეს, ძვლებს იმტვრევენ ცერზედო.“

XXVII

(შემოვიდა გლეხის ქორწილში ერთი მოხუშარი კა-
 ცი, ღვინო მიაგებეს და უხბრეს: „აბა დემეტრე ერ-
 თი დაილოცე!..“

დემეტრემ აიღო ყანწი ხელში და მოჰყვა:)

„ეო, მეო, კაწალხეო,

წინ მინდორი, უკან ტყეო.

მოურავი ადღევრძელოს, ნაცვალს მ-ე დიდი დღეო,

გზირი, რაღა ჩანჩაღა, იმის ცოლს კი შ...ეო! (თუ
ვაკოცეო?)

XXVIII

— „აბა, დემეტრე, ერთი გამოცანა თქვი.
„ბატონი ხარ!

— „გამოცანა! მოგახსენებ, დიდი არაფე-
რიაო; ზოგგან წითელ, ზოგგან ყვითელ, ზოგგან
ხალისფერიაო.“

— ეგ ხომ ხალიჩაა, შეილო? ჰკითხა ერ-
თმა გლეხთაგან: „აბა სხვა თქვი, რომ ვერ
გავიგოთ.

— „ვიტყვი, მომე ქალაქი, თუ ვერ გავიგო.

— ნომიცია.

— „მაშ ყური მიგდე.

„ეს რა არის, მასრა არის,

მასრას უკან კასრა არის,

კასრას უკან კალოა,

კალოს უკან კვიცია,

კალო მოჭედლია,

კვიცი გაკრეჭილია...“

— „აბა, გამოიცან.“

— არ ვიცი.

„მოდო ქალაქო ჩემთანა, ხელი არვის აქვს შენთანა, სანთელ-საკმელი ღეთის წინა, ავლადიდება ჩემ წინა, წაიქცა ფურცელი, ლეკებს გაუსკდა მუცელი.... დიამც იყო: მთვარე...“

XXIX

— აბა ახლა ზღაპარი თქვი.

— „ბატონი ხარ.“

„იყო და არა იყო რა,—ღეთის უკეთესი რა იქნებოდა,—იყო ერთი გუთნის-ღედა...ხოლადბუნი ჰქონდა მოსახნაფი, ადგა და წაიღო სახნის-საკვეთი, წყალზედ, დასალობათ, რომ მეორე ღღეს კარგა ვხნაფო...“

(აქ დემეტრე დიდხანს გაჩუმდა)

- მერე? — ჰკითხეს აქეთ-იქიდგან.
— „მოიცათ, ჯერ დალბეს და!...“
— რკინას, რა დაალობს?.. ე, ოჯახ დაქ-
ცეული, რას არ მოიგონებს?!..
— გათავდა?..
— „გათავდა...“ ელასა, მელასა, ჭიქა მკი-
დია ყელასა, მთქმელსა და გამგონებელსა,
ძილი გამოსთ ყველასა..“

XXX

(მესტვირულები.)

„დაუკარ, ჩემო ქამანჩავ, დაუკარ ტკბილსა ხმაზედა!..“
იმერეთისა მთაზედა, ქალი ვიპოვნე ქვაზედა,
ამოვეკარ ტკიპივითა, ბიჭი შევქენ გვრიტივითა,
მენახირეს მივაბარე, არ მომიკლა სიცივითა,
უშობელსა წიხლი ეკრა, გაეხეთქა ტკივიითა,
ტიკი-ტიკათ გამომადგა, პოლორჭიკი — საკრავათა..“

XXXI

„ერეკლემ ხმალი აიღო საქრისტიანოს გულისდა,
ერეკლეს ქართველთ ბატონსა, ღვთით ხმალიც აუღიანო,
ღვთით ხმალიც აუღიანო,“

ქართლი შეყარა, ქალაქი თავი-თავს მოუყარაო,
 გააღო ფანჯარაგები, წიგნებიც გაღუშლიაო,
 დიდის ჯარების თაობა ერეკლეს აუღიაო,
 ერეკლემ ხერხებ იგონა, ჯერ არვის შაუტყვიაო,
 რკინის ააგო ურმები, ხარბაზნებ დაუწყვიაო,
 საცა დიდ-დიდი წყლებია, ხიდებიც გაღუღვიაო,
 წერაქვებიც ხომ აუღივ, სამი კლდეც გაღუჭრიაო,
 ქურთის მოსთხარეს ქალაქი, ხაზინაც წაუღიაო,
 მანდით წაღებულ ხაზინა თელავში დაუწყვიაო,
 კოხტა *) მორბოდა ბელადი, ნეტა რას შაუშლიაო?
 ერეკლემ შემოუძახა: „რა თავი აგიგღიაო?...
 შენისთანა გულხადარა კაცად არ ჩამიგღიაო!..“
 ხმალი შამოჰკრა ერეკლემ, თავი წინ გაღუგღიაო,
 თოფიც უჭირამს სიათა, ჯვრაც არ დაუცლიაო...
 იქ ახალციხეს მიუხდა, თათრებს რა შაუძლიანო,
 ციხე გატეხეს ახალი, ძე აღარ გაუშვიაო,
 იმღვენი ხმლითაც არ ხოცეს, რაც რომ წყალს დაუ-
 ხჩვიაო,
 სამოცდა სამი თათარი ჩინჩხილში გაღუყრიაო. .

*) კოხტა — სახელი ლეკთა მოწინავე ბელადისა.

თვალის უჭირავს ქვეყანას კოხიო *) გაირჯებო,
 დიდის ბატონის ჯარშიდა, წინ ვერვინ წაუდგებო,
 ბატონის თვალი სწყალობდა, ბატონს არ მოუკვდებო,
 ნაკუდა ქუიძეს შვილი, რა კანჯარივით ხტებო,
 შვიდი დაკათა ხმალ და ხმალ, რიგი ხანჯალზედ დგებო..

ემაგის მოშაირენი დავზდილვართ ლორებშიგო,
 ორნივე ძვანი ტყვეთა ვართ მისრეთის ქალაქშიგო,
 წირვა-ლოცვა ჩვენც გვიყვარდა სიონის საყდრებშიგო,
 ახლა ჩვენც მოსვლას ვაპირებთ, მანდ თავის ადგილშიგო,
 გიორგის ხელში ვაკოცათ, ერეკლეს მუხლებშიდაო...

ერეკლე ბატონის შვილი ტანად დაბალი ყმაია,
 ტანთ ჯაჭვ აცვია ფეთქაი, შესახედავით მზეარსო,
 მხართ შუბი აძა დარაზმა წარევედა თათრის ჯარშია,
 ასი ცხენს წააღებინა, ასიც კარავში წახვია,

*) კოხიო — სახელი თუშისა, გვარად ყოფილა ბო-
 ბლიაშვილი, წოვის თემისა.

შიგნიდგან გულიც რკინა აქვს, გარედგან სალიკლდე არსა,
 აგრე დაქცევს ციხესა, როგორც ფუტური ხე არსა...*

(ეს მისტვირული ლექსები სიტყვითი სიტყვით, გა-
 უსწორებლივ, დავსწერე მესტირისაგან 1852 წელში;
 ამ უკანასკნელს თითქოს ბოლო აკლიაო, მაგრამ, მე-
 ტი არც მესტირემ იცოდა.—სამიოდე საზანდრული
 ლექსი კიდევა მაქვს შემდეგისათვის).

XXXII

(ძველებური ანდაზები)

მოჩქარეს მოუგვიანდეს.

*

გინდა მგელს შეუჭამია, გინდა მგლისფერს
 ძაღლსა.

*

ვინც ღამე ხნა, ისიც მოკვდა.

*

ქალსა დედა გაუშინჯე, სამოსელსა—ნაწი-
 ბური.

*

ჭინჭრის ადგილს ჭინჭარი ჰამოვა.

ყველა ქვეყნათა რიგდება და ცოლ-ქმრო-
ბა ზეცასაო.

შეხეთქებული ჭირისუფალი მალე გადაი-
გლოვს.

მანამ ხმალი მოვიდოდა, ენამ თავი მოს-
ჭრაო.

დილის ლუკმა ცოლის მზითევს სჯობიაო.

სისხლი^ს სისხლით არ დაიბანება.

მკვდარს ლომს ცოცხალი ძაღლი სჯობია.

გაუთლელი სჯობს აღმასი გათლილსა ფი-
რუზანასა.

ასი დამკარ და ერთი მართალი მათქმევიწე.

კაცმა ჭირი მალა, ჭირმა თავი არ დამალა.

ბუმბულოს მანამ ქარი არ შეუბერავს, თავის თავი მძიმე ჰგონია.

*

— „ობოლო, ვის მოჰკლამო?—ვინც გამზარდაო.

*

ვერიდებოდი ლოლოსა, დამიხვდა მინდვრის ბოლოსა.

*

კაცი კაცის მტერია, ძალი კი ერთგული.“

*

იქნება, ჩვენმა მაგალითმა სხვანიც გამოიწვიოს ამ გვარისავე შრომისათვის, და სამუდამოთ არ დაუკარგოს ჩვენს ლიტერატურას ძველებური სახალხო ლექსების ნიმუშები...
 ღმერთმა ინებოს!

რაფიელ ერისთავი.

ჩემ პიროვნობაზე

„მნათობი,“ 1872, №№ 10, 11 და 12
სტატია: „საწყალი კუდაბზიკა!“ („კრებულ-
დროება“ და იმათი ყვინჩილაობა.)

„კრებულის“ სტატიას „მნათობზე“ („კრე-
ბული“ 1872 № 12) მთლათ ერთიანათ გაუ-
ცოფიანებია ამ ჟურნალის კრიტიკოსი, უფ.
ანტ. ფურცელაძე, რომელიც დღეს სამაგიე-
როთ „კრებულ-დროებას“ ბრაზიან პასუხს
აძლევს. ეს პასუხი ბევრი მხრით შესანიშნა-
ვია ჩვენი მწერლობის და მკითხველი საზო-
გადოებისთვის, და—„მნათობი“ რომ არ ჩამ-
კვდარიყო—ჩვენ იმას იქნება უმეტეს ყუ-
რადღებასაც ვათხოვებდით. მაგრამ დღეს ეს
ჟურნალი მოისპო. მისი კრიტიკოსი აცხადებს,
რომ დღეის იქით მე თქვენზე ხმას არ ამო-
ვიღებო. ამის გამოისობით ვერც ჩვენ ვისარ-

გებლებთ იმ ძვირფასი შეცთომებით, ბაიუ-
 შაობით და აზრის სიღარიბით, რომელსაც
 ჩვენ ამ უბედური ჟურნალის უკანასკნელი
 წიგნი და უკანასკნელი სტატია წარმოგვიდ-
 გენს.—ჩვენს მწერლობაში ეხლა ჩინებული
 მოღა შემოდის. გამობრძანდება ვინმე, გა-
 მოთქვამს მკითხველის წინ ასიოდე სისულე-
 ლეს და ცილისწამებას, იძინურათ ჩასახავს
 მკითხველის გულში თავისი მოწინააღმდეგის
 შესახებ ეჭვს ან დაუნდობლობას, და მერმე
 უცბათ შეძვრება თავის სოროში, იმ სიტყვე-
 ბით, რომ „დღეისიკით რაც უნდა სწეროთ
 მე ხმას აღარ ამოვიღებო.“ ვითომ და სათ-
 ქმელი კი ბევრი მაქვსო, მაგრამ არ მინდა,
 ლაპარაკი არ ღირსო. ასე მოგვექცა ჩვენ უფ.
 ბ. ლოლობერიძე, ასე გვექცევა უფ. ანტ. ფურ-
 ცელაძეც. ვიმეორებთ, ეს ძლიერ ოსტატური
 ოინია, რომლის შემწეობით იმედ-დაკარგუ-
 ლი და დამარცხებული ვითომ-მწერალი
 გაქცევის და თავის-შველის ბილიკს იმზა-
 დებს და შინაურებთან იმის თქმასაც ახერ-

ხებს, რომ არ ვისურვე, თორემ ჩემს წინააღმდეგს
 დელი-მიწის პირთან გავასწორებდიო. ჩვენში
 უწინ, როცა საზოგადოებაში და ხალხში გმი-
 რობა დაკარგული არ იყო, ამას სიმბთალეს
 და დელაბრობას უძახოდენ. დღეს რა სახელი
 ჰქვია ამას? ამბობენ, ამას ეხლა თავდაკავებას,
 სიფრთხილეს, ზომიერებას უძახიანო. სახელს
 რომ თავი დავანებოთ, აქ შენიშვნის ღირსი
 ისიც იქნება, რომ ამ გვარი საქციელი ცხადათ
 გვიჩვენებს, რომ ამისთანა ვითომ-მწერლებს
 პოლემიკა და მწერლობა პიროვან, კერძო-
 ბით საქმეთ მიაჩნიათ, და მის წაყვანის დროს
 ისინი მარტო თავის საკუთარ სახელზე და
 პიროვნობაზე ჰფიქრობენ. თორემ იმათთვის
 მათი აზრი, მიმართულება, საქმე და მიზანი
 პიროვნობაზე მალლა რომ იდგეს, ასე ადვი-
 ლათ ბრძოლას თავს როდი დაანებებდენ და
 მოწინააღმდეგეს მაედანს როდი დაუცლიდენ.
 ვინც თავის საქმეს, აზრს, მიმართულებას და
 მიზანს მართლა ერთგულათ ემსახურება, ვისაც
 თავისი აზრი საზოგადოებისთვის სასარგებ-

ლოთ მიაჩნია, ის თავის პიროვან სიამოვნებას ან უსიამოვნებას ყურადღებას როდი მიაქცევს, ის იბრძვის, მოქმედებს, სწერს, ლაპარაკობს სანამ მისი მიმართულება გაიმარჯვებს, ან სანამ ის მთლათ ერთიანათ არ დამარცხდება, ისე, რომ განძრევის სალავათი აღარ ჰქონდეს. ის მოწინააღმდეგეს „ან მოჰკლავს, ან შეაკვდება.“

მაგრამ ეს ჩვენი ვითომ-მწერლები სხვა მოდას დასდგომიან. იმათ ბრძოლა და ნამდვილი დავა სალაშათო ჯირითობათ გადუქცევიათ. გამოხტება ამ ნაირი მოჯირითე, ერთ-ორ ჯირითს ისერის, ცხენს. გაახტენს-გამოახტუნებს, სიმარდეს გამოიჩენს და ისევ ხალხის გროვისკენ დაბრუნდება, ხალხს ამოეფარება, — „რომ მდომოდა შუაზე გავსტყოროცნილიო,“ დაიტრაბახებს და შინისკენ გასწევს.

საქმე სეირათ გადაქცეულა, ბრძოლა — ჯირითად, აზრების წინააღმდეგობა — პიროვანი თავმოყვარეობის ასპარეზათ. ჩვენს დაცე-

პულს საზოგადოებას, ჩვენს მიძინებულ ქვეყნას ეგლა აკლდა, რალა!

მაგრამ, თუ ეს ვაჟბატონები მწერლობას პიროვან საქმეთ სთვლიან, თუ ისინი ასე მხატვრულ და სუბუქათ ეპყრობიან პოლემიკას და მწერლურ მოვალეობას, ჩვენ იმათ მაგალითს ვერ მივსდევთ და არც თვითონ იმათ მივცემთ იმის ნებას, რომ ამისთანა ჩვეულებები ჩვენს მწერლობაში შემოიღონ. დღეის იქით ჩვენ როდილა დავზოგავთ იმ ვითომ-მწერალს, რომელიც ამ ჩვეულების შემოღებას მოინდომებს, და კედლიტილის მაგალითის მიხედვით, იგრძნობს თუ არა თავის სისუსტეს, თავს მოიმკვდნურებს და გაეგდება. აქაოდა, რალას მერჩიაო, რაც იყო—იყო, დღეის იქით მე შენთვის ხომ მკვდარი ვარო, თანხმად ამისა, თუმც ჩვენ არ ვსარგებლობთ „მნათობის“ უთვალავი შეცთომებით და უმზგავსოებით, ჩვენ მაინც საჭიროთ ვრაცხაეთ ორიოდე სიტყვა ვთქვათ ერთ გარემოებაზე, რომელიც თუმც ამ სტრიქონების დამწერს

პიროვნათ ეხება, მაგრამ მაინც „მწერლოურ მოვლენას“ შეადგენს და ღირსია, რომ იმას სამაგალითო მნიშვნელობა მიეცეს ჩვენს მწერლობაში.

I

ჯერ იმით დავიწყოთ, რომ გავიხსენოთ რას ვამბობდით ჩვენ იმ სტატიაში („ჩვენი მწერლობა“), რომლის პასუხათ დაწერილია დღეს ანტ. ფურცელაძის „საწყალი კუდაბზიკა!“ აი ჩვენი სიტყვები:

„ეს ახირებული კაცი (უფ. ფურცელაძე), რომელსაც ჩვენ, მართო ზდილობის მიხედვით, მწერლის სახელს არ მოვაკლებთ — გამოდის სალიტერატურო ასპარეზზე და მკითხველებს გვაბეზღებს: „კრებულ-დროება“, ამბობს ის, მიმდგომია, უსინიდისოა, ამხანაგობით აქებს და საკუთარი თავმოყვარეობით, ხარბობით აძაგებს მწერლებს; „კრებულ-დროებას“ არც ლიტერატურული, არც კერძობითი პატიოსნება და სინიდისი აქვსო, ის მკითხველ საზოგადოებას ატყუებსო და სხვ. და სხვ. და სხვ. ამასთანავე ის ამტკიცებს, ვითომ ჩვენს

ნაწერებში აზრი და გაგება არ მოიძიებოდეს და ჩვენ ყველანი ერთიანათ უნიჭოები და უსინიდისო „ცრუ-პენტელეები“ ვიყოთ. გვაქვს ჩვენ ნიჭი, სჩანს ჩვენს ნაწერში აზრი და მიმართულება თუ არა, ეს უფ. ანტ. ფურცელაძის ჭკუის საქმე არ არის. მკითხველი, იმედია, არ დაგვემღურება და კიდევ დაგვიმადლებს, თუ ჩვენ ან. ფურცელაძის „მსჯელობას“ ყურადღებას არ მივაქცევთ. მისი აზრი იმოდნათ დასაფასებელი არ არის, რომ კაცმა მის დასარღვევლათ თავი შეიწუხოს, როცა თითოეულ მკითხველს ადვილათ შეუძლია ჩვენი ნაწერის აღება და ანტ. ფურცელაძის „მსჯელობასთან“ შედარება. ჩვენ იმოდნათ დარწმუნებული ვართ მკითხველის განაჩენის მიუდგომლობაზე და ანტ. ფურცელაძის „მსჯელობის“ სისუსტეზე, რომ ამ მხრივ ხმის ამოღებასაც საჭიროთ არ ვთვლით.

„მაგრამ ლიტერატურული მსჯელობის მეტი ორი სხვა ისეთი მხარე აქვს ანტ. ფურცელაძის პოლემიკას, რომელზედაც ჩვენ ხმის ამოუღებლობა არ შეგვიძლია. ეს ორი მხარე ორი ცილის წამებიდამ შესდგება: ერთი ვითომ ჩვენ უსინიდისოთ ვხმარობდეთ ჩვენ ლიტერატურულ ინდგომარეობას და მკითხველს თვალს უხვევ-

დეთ მიღგომით ან სიხარბით, და მკორე—ვითომ ჩვენ
 ცუდი კაცები ვიყოთ ჩვენ კერძო ცხოვრებაში. ამ უკა-
 ნასკნელ საგანზე ლაპარაკი, რასაკვირველია, შეუძლებე-
 ლია, ამიტომ რომ უსაფუძვლოთ, უსაბუთოთ გამოთქმულ
 აზრზე პასუხათ მართლ ის ითქმის: — არა, ჩვენ ძლიერ
 ატიოხანი კაცები ვართო, და აბა ამის თქმა ვის ეკა-
 დრება? მაგრამ რამდენათ დამჯდარათ და საფუძვლია-
 ნათ სჯის ამისთანა საქმეებზე უფ. ანტ. ფურცელაძე,
 გვაჩვენებს ჩვენ პირველი ცილის-წამების განხილვა, —
 ჩვენი მიღგომის და ხარბობის თაობაზე. აა, ამ საგანს
 შეუდგებით ჩვენ, მხოლოდ იმისთვის, რომ ამ საქმის
 გარემოება მკითხველს თვალს წინ არა აქვს, და ჩვენი და
 ფურცელაძის გასამართლება იმას ჩვენის მხრით საბუთების
 წარუდგენელათ არ შეუძლია.

დღეს უფ. ფურცელაძე ხელმეორეთ ბა-
 ასობს ჩვენს ჭკუაზე, ნიჭზე, ნაწერზე, გონება-
 ზე, ხელმეორეთ ამტკიცებს ვითომც ჩვენ მწყ-
 რლობაში უსინიდისოთ ვიქცეოდეთ, და თან
 ორიოდე პირდაპირ დაბეზლებასაც ხმარობს,
 რომლითაც მკითხველს იმ აზრს უწვევებს
 ყურში, ვითომ ჩვენ; და განსაკუთრებით მე

სადაგელი და უპატიოსნო კაცები ვიყოთ ჩვენს
კერძო ცხოვრებაში.

რაც იმას დღეს ჩვენი მწერლობის და გონების შესახები დამტკიცებები მოჰყავს, ის უწინდელივით ისე სუსტი და უსაფუძვლოა, რომ ჩვენ იმის დასარღვეველათ სიტყვასაც რ ვიტყვით. ირონიის პირდაპირათ გაგებით, ერთი მწერლის შეხედულობის მეორის წინააღმდეგათ ხმარებით, აზრის გადასხვაფერებით და სხვა ამ გვარი უბედური ოინებით, მწერალი შორს ვერ წავა და მოწინააღმდეგეს ენებას ვერ მოუტანს. მკითხველი გასჯის, როგორც უწინ ვთქვით, ხეირიანათ თუ უგნურათ ესწერთ ჩვენ, და, გვეგონია, „მნათობის“ გასვენება საკმაოთ გვიმხელს, რა ხასიათის იქნება ეს გასჯა. — რაც შეეხება ჩვენ მწერლურ პატიოსნებას, უფ. ფურცელაძეს დღეს ხმა ვეღარ ამოვღება. ამაზე საკმაოთ ნალაპარაკევი იყო ჩვენს შარშანდელ სტატიაში, და ეხლა უფ. ფურცელაძე ვერაფერი ცილის-წამებით ვერ დაამტკიცებს, ვითომ „დროებას“

„მელალუმე“ ექოს ან „კრებუბლს“ დ. ბაქრაძე ეძაგებინოს მარტო პიროვანია შეხედულობით, მიდგომით ან სიხარბით. თუმცა ეხლა უფ. ფურცელაძე ამტკიცებს, რომ თუ „მელალუმე“ გ. წერეთელს არ მოსწონდა რათ დაბეჭდა „კრებულშიო“, თუმცა ის დღეს ამბობს, ეთომ დ. ბაქრაძეზე ჩვენ შებრალებით ვსწერთ მარტო იმიტომ რომ იმას ეხლა ჩვენს მწერლობაზე უფროსული გავლენა აქვს, მაგრამ ეს მარტო საბრალო დამარცხების თავგამამართლებელი ლაპარაკია. იმანაც კარგათ იცის, რომ „მელალუმის“ დაბეჭდვის დროს „კრებულის“ შედგენა გ. წერეთელს კი არა, თერთონ „მელალუმის“ დამწერს ებარა, აგრეთვე როგორც მშვენიერთ იცის, რომ უფ. დ. ბაქრაძეს ჩვენს მწერლობაზე ერთნაირი გავლენა მიეცა ჩვენი სტატიის დაწერის და დაბეჭდვის სამი თვის შემდეგ. რამდენიც უნდა ილაპარაკოს ამისანაები უფ. ფურცელაძემ, ამგვარ მის წერას და სიტყვას მაზანდა დაკარგული აქვს. ბლაჯნის რაც უნდა, თუნდ ისიც თქვას

რომ „საქართველოს მოამბეთვის“ ჩემს დღე-
ში არ მიწინააღმდეგებიაო, „ცისკარს“ არ
ამოვდგომივარ და არ დავხმარებდივარ. ჭ-
ვეჭვეძეზე არ დამიწერია, რომ იმის გრძნობა
და წერა უგრძნობელი და შეფერულიაო, —
ყველა ამისთანა მის თავის-გამართლებას თი-
თოცული მკითხველი ღირსეულათ დააფასებს
და უკუაგდება. ეს იმას თვითონაც ესმის. ამის-
გამო ის თავის უმთავრეს ძალას და მოცადი-
ნეობას იმ ნაწილს ატანს და იმ მიზანს ან-
დომებს, რომლის ნაკლულევალება ჩვენ იმას
უწინ შევნიშნეთ, როცა ვამბობდით, რომ პი-
როვან ჩვენს უბატონობაზე მის უსაფუძვე-
ლო და უსაბუთო ნაწერს პასუხი არ მიეცე-
მათქო. დღეს იმას მოუნდომებია „საფუძვლის“
და „საბუთების“ წარმოდგენა. ის ხასიათი და
მსვლელობა, რომელიც ჩვენ მივეციოთ ჩვენს
პოლემიკას „მნათობთან“, მოითხოვს ჩვენგან,
რომ დღეს ეს უკანასკნელი მხარეც გავსინ-
ჯოთ.

II

ჩვენთვის მეტის მეტათ აღვილია, ბევრი ჩვენი მოწინააღმდეგეების მიბაძვით, მიუბრუნდეთ უფ. ფურცელაძეს და უთხრათ, რომ იმას უფლება არ ჰქონდა ჩვენს საკუთარს პიროვნობას შეხებოდა, ჩვენს კერძობით მოქმედებას და ხასიათს გამოჰკიდებოდა და ჩვენი აზრის დარღვევის მაგიერ, ჩვენ შინაურულ ცხოვრებაზე გაემართა მუსაიფი. ამას ჩვენ დიახაც არ ვიქთ. ყოველი მწერალი, ყოველი საზოგადო საქმეებში და საზოგადოებრივ ასპარეზზე გამოსული პირი, რომელიც საზოგადოების დახმარებას, გაწვერთნას, პატრონობას თუ დარიგებას სჩემობს, მთლათ ერთიანათ საზოგადოებას უნდა ეკუთვნოდეს. საზოგადოების თითოეულს წევრს უფლება აქვს იმას თითოეული მისი სიტყვის, ნაბიჯის და მოქმედების ანგარიში მოთხოვოს, მის კერძობით და საზოგადოებრივ ხასიათს და საქციელს დაუკვირდეს და კვალში ჩაუდგეს,

რომ მისი მიზანი იცოდეს, მისი სიტყვა სწამ
დეს და მისი რჩევის დანდობა ჰქონდეს. ვინც
კერძობით ცხოვრებაში უპატროსნო ან უ-
სინიღისო კაცია, ვინც წვრილმანებში ნიადაგ
ბაიყუშობს, ვისაც უბრალო საზოგადოებრივ
ან მეგობრულ საქმეებში აზრი და გონიერე-
ბა, სინიღისი და თავგამომეტებულება არ უ-
ჩამს, ის, უეჭველია, სხილ-სხვილ, მძიმე სახალ-
ხო საქმეშიაც უხეიროთ და საენებელათ მოი-
ქცევა. ამის გამო არც მე, არც არავის არ
ეთქმის, რომ ჩემი ნაწერი, ჩემი სიტყვა გასა-
ჯეთ, მიიღეთ ან უკუაგდეთ, მაგრამ ჩემს
კერძობით, შინაურ ხასიათს და ცხოვრებას
ნუ შეეხებითო. ამისი თქმა, ჩემი მხრით იყოს
გინდა სხვისი მხრით, უსაუფლობა კი არა,
აშკარა საზოგადოების თვალის ახვევა იქნე-
ბა. ჩვენ ყველანი საზოგადოებას მთლათ
ერთიანათ, სულითა და ხორციით ვეკუთვნით,
და საზოგადოებას ნება აქვს თითოეული ჩვე-
ნი მოქმედების განხილვის, გასჯის და დაფა-
სების. მაშასადამე, უფ. ფურცელაძესაც, რო-

გორც ჩვენი ქართველი საზოგადოების წევრს, სრული უფლება ჰქონდა, და როგორც „მნათობის“ კრიტიკოსს ნამდვილი მოვალეობაც აწვა ამ მხარეს შეხებოდა, ამ მხრითაც გაესინჯა ჩვენი ხასიათი, და პასუხი მოეთხოვა ჩვენი ცხოვრების, მოქმედების ან საქციელის უმსგავსოებისა.

მაგრამ ამ გვარი უფლების ხმარებას ზოგიერთი პეტის-მეტათ მიძიმე მოვალეობაც მოსდევს. ამ მხრით მწერლის მოვალეობა გამომძიებლობას ეთანხმება, და გამომძიებელი — ეს უფ. ფურცელადეს კარგათ უნდა სცოდნოდა — სინდისიანათ უნდა სჯიდეს, იძევდეს თითოეულ გარემოებას და ბრალმდებას, თითოეულ მოქმედებას და მის მიზნს. როცა გამომძიებელი მიმდგომი ან გაბრაზებულია, როცა ის უსინდისოთ ასხვაფერებს გამომძიების საბუთებს და ფაქტებს, როცა ის მართლ იმ სიტყვებს ისმენს, რომელიც მის პიროვან გრძნობას აკმაყოფილებს, სამსჯავრო, — ესე იგი მკითხველი საზოგადოე-

ბა — მის გამოძიებას თავზე ახევეს და მის დას-
კენას და მთელ გამოძიებასაც უყურადღებოთ
სტოვებს. — უფ. ფურცელაძეს ესეც უნდა
სცოდნოდ, ეგონებო. გამომძიებელს, აგრეთ-
ვე, იმასაც მოთხოვენ ხოლმე, რომ იმან
თავისი გონება და მოაზრება იხმაროს იმ უ-
თაებოლო და უაზრო ჭორების გაგონების
დროს, რომელსაც ის ხანდისხან ყურს მოჰ-
კრავს: იმან ყოველი განაგონი სინიღისიანათ
უნდა გასინჯოს და მარტო მაშინ მიიღოს
სახელმძღვანელოთ, როცა ეგონება, რომ
იმათ ცოტაოდენი საფუძველი მაინც აქვთ.
იმ გამომძიებელს, რომელიც საქმეს შეად-
გენს ან მსჯელობას დააფუძვნებს იმისთანა
ჭორზე, რომ ამა და ამ კაცმა, მაგალითად,
სიონის სობორო მოიპარა და ჟილეტის უ-
ბეში ჩაიდგაო, სამსჯავრო და საზოგადოება
ბრიყვის სახელსაც არ დააჯერებს. მაშასადამე
იმ პირს, რომელიც რომელიმე მწერლის ან
საზოგადო ასპარეზზე მოქმედი პირის ხასიათს
და ცხოვრებას ეხება და სჯის, უსათუოდ

სრული რწმუნება უნდა ჰქონდეს, რომ ეს მწერალი ან მოქმედი პირი მართლა სადაგელი ან მავნებელია, და ეს მისი რწმუნება წამდელი და მტკიცე მაგალითებზე ან საბუთებზე უნდა ჰქონდეს დაფუძნებული. — ამას ჩვენ მარტო უფ. ფურცელაძეზე კი არა, საზოგადოთ ჩვენს მწერლობაზე ელაპარაკობთ, როგორც ყველაფერს, რაც ამ სტატიაში გამოთქმულია. ჩვენი აზრით საჭიროა ეს ანაბანური ჭეშმარიტებები ერთხელ მაინც გამოითქვას, რომ ჩვენებურ ეთომ-მწერლებს გაცნობილი ჰქონდეს ხეირიანი მწერლობის და პოლემიკის კანონები, რომელსაც ისინი, როგორც ეტყობათ, სრულიადაც არ იცნობენ.

წინდახედული და მეტის-მეტათ საფუძვლიანი მოქმედება პიროვან შეტაკების და პოლემიკის დროს მით უფრო აუცილებლათ საჭიროა მწერლისთვის, რომ მისი უსაფუძვლოება და წინდაუხედველი ბრალის დადება ან ეჭვის შემოტანა მარტო თვითონ იმას და

მის ჟურნალს აენებს. მწერალს, მართალია, შეუძლია ხანდისხან (თუკი ის მტკიცეთ დაჯერებულია, რომ მკითხველ საზოგადოებას მასზე ნდობა და რწმუნება აქვს), თავისი სჯა ისე გამოთქვას, რომ მისი დამამტკიცებელი საბუთი ან მოაზრება არც კი ახსენოს და მოიყვანოს. მაგრამ ეს ისეთი ძნელი პასუხის გებაა, რომ ამის კისრაობა მწერალმა გაუჭირვებლათ არ უნდა აიღოს, და თუ აიღო, მტკიცეთ და უეჭვოთ დარწმუნებული უნდა იყოს, რომ მომავალში ის პირი, რომელზედაც იმან დაუფუძვნებელი სჯა გამოთქვა, მართლა დამნაშავეთ ან მავნებელათ გამოვა საზოგადოების თვალში. უსამართლო, მიდგომითი ან მტრული სჯის და გაკიცხვის გულისთვის მკითხველმა საზოგადოებამ წარჩინებული და დიდი ნიჭისა და გავლენის პატრონი მწერლებიც შეიძულა, არა თუ უცნობი და უბრალო, უგაველენო პირები. მხილებითი მწერლობის ისტორია ბევრს ამისთანა მაგალითს წარმოგვიდგენს, და რაც არ ეპატივა

იმისთანა მწერლებს როგორც ვოლტერი, რუსო ან სანტ-ბევი, ის, უეჭველია, ჩვენის-თანა მწერლებსაც არ მიეცევა.

ამას გარდა საზოგადო ასპარეზზე მოქმედი პირის ხასიათის დამფასებელი ნიადაგ ერთ გარემოებას უნდა იხსენებდეს. ზოგიერთ ა'პარეზს, ზოგიერთ მდგომარეობას და საჭიროებებს, ზოგიერთს ადგილობრივ ან დროებით გაწყობილებას ისეთი გავლენა აქვს იმ მოქმედ პირებზე, რომელნიც თავიანთი ქვეყნის და საზოგადოების მდგომარეობას არ იწონებენ და საზოგადო აზრის ან ბედის ერთიან შეცვლას სცდილობენ, რომ ამ პირების მოქმედებას ყველანი პირდაპირ და აშკარათ კი ვერ ხედვენ. ისინი იძულებული არიან იმოქმედონ სხვა ნაირათ, ვინემც სხვები მოქმედებენ; იძულებული არიან სხვა და სხვა მიზეზების გამო არ დაამატონ თითოეულს თავიანთს მოქმედებას; ჩვენ ამას იმიტომ ვწერებით, რომ აი ესა და ეს კეთილი და პატიოსანი მიზანი გვაქვს, ამა და ამ საქმეს ვამზადებთ, ამა და

ამ ღონისძიებას, ამა და ამ შემთხვევისთვის ვეცდებოდა ვამარაგებოდა. ამის გამოცხადებით ამისთანა მოქმედი პირის საქციელს, მოქმედებას და შრომას ძლიერ ხშირათ ბინდი ჰხურავს, მისი მოქმედების უმეტესი ნაწილი მარტო ერთი, ხშირათ შემაცოთუნებელი მხრით მოჩინს.

ამ გარემოებით ხშირათ სარგებლობენ ამ გვარი პირების მოწინააღმდეგენი, რომელნიც ათასნაირი ცილისწამებით და პიროვანი მიზნით ხსნიან მათ გაუგებარ მოქმედებას, და ვინ იცის რამდენ სისაძაგლეს და უსინიდისობას არ სწამებენ მათ ხასიათს და შრომას. მიგრამ ყოველი სინიდისიანი კაცი ვალდებულია, ამისთანა მოქმედ პირებზე სჯის გამოთქმის დროს, თავდაკავებით და მოთმენით გადადვას ადაწყვეტილი საბოლოო აზრის შედგენა იქამდე, როცა ამ პირების შრომას და მოქმედებას ბოლო მოეღება. მარტო მაშინ გამოჩნდება ხოლმე, მეტ-ნაკლები სისრულით, მართლა თავის კერძო თავმოყვარეობას და პიროვან სარგებლობას ემსახურებოდა ამ გვარი პირი, თუ სხვა უფრო მაღალი და უფრო წმინდა მიზანი ჰქონდა. მარტო მაშინ შესაძლებელია აზრის შედგენა, ხეირიანი, გონიერი და პატიოსანე საშუალებები უხმარია იმას, რიგიანი გზით უვლია, საკმაო შრომა და ღვაწლი დაუღვია თავის საქმისთვის, თუ არა. მაშა-



საღამე მარტო მაშინ მის ცხოვრებაზე, ზე და ხასიათზე სჯის გამოთქმას ცილის-წამების, უსაფუძლოობის დალი არ ესვება... ამით ჩვენ იმას კი არ ვამტკიცებთ, ვითომ კაცი ამის-თანა პირებს თავიღამევე თაყვანს ანუ პატივს უნდა სცემდეს და მათი წინააღმდეგი აზრის შედგენას ან გამოთქმას არ უნდა ბედავდეს თქო სრულიადაც არა, ამისთანა პირებს არც თაყვანისცემა სჭირიათ, არც პატივისცემა. მაგრამ სინიღისიანობა და პატიოსნება მოითხოვს ყოველ ხეირიან კაცისგან, რომ ის ამისთანა პირების ხასიათს და მოქმედებას არ აძაგებდეს და უსაფუძლო იქვით ან ბრალის-დადებით არ სერიდეს, სანამ საკმაოთ არ გამოაშკარავდება მათი მოქმედების მიზანი და მათი მიზნის მისაღწევი გზა და საშუალებები.

მკითხველი ვერ წარმოიდგენს, ამ კანონის დაფიქრებას რამდენი უმსგავსო და უსინიღისო შედეგი ჰქონია, რამდენი წარმოუდგენელი ცილისწამება და იქვი გამოთქმულა უპატიოსნესს და უმშვენიერეს მოქმედ პირებზე.

ამ გვარი წინდაუხედველობა და უსაფუძვლო, აჩქარებული აზრის შედგენა და გამო-

თქმა არა თუ პატიოსანს საზოგადო საქმეს აწვებს, ის სიკვდილამდი სინიდისს უწყუხებს და მოსვენებას არ აძლევს იმას, ვინც ამისთანა შეცოდება მოახდინა, თუ კი იმას ცოტაოდენი სინიდისი მაინც აქვს. და მე გამიგონია, ხშირათ, ამნაირ შეცთომაში ჩაეარდნილ პირებიდამ, რომ „ნეტავი შემეძლოს ჩემი საკუთარი სიკოცხლის შეწირვით იმ ჩემი შეცთომის გამოყიდვა და ამოხოცვაო, ნეტავი მომკვდარვიყო, და ის სიტყვა კი არ წამომცდენოდაო.“

III

ჩვენ საგანგებოთ მოვიყვანეთ ამისთანა სხვილ-სხვილი მაგალითები, ამიტომ რომ იმათ შეურყეველი და უეჭვო ხასიათი აქვთ. მაგრამ რაც სხვილ-სხვილ მაგალითში ცხადათ სჩანს, ის წვრილმანებშიაც ხდება ხოლმე. და სინიდისიან კაცს, ყველა ამგვარ შემთხვევებში მეტი-მეტი თავდაკაეება და წინ-დახედულობა სჭირია, რომ არც თვითონ შეცდეს, არც სხვა

შეაცდინოს, და შემდეგ არც სხვისი საყვედურის არც თავისი საკუთარი სინიღისის მხილების მსხვერპლათ შეიქნეს. ამ მიზნით გონიერი კაცები ისე იქცევიან ხოლმე, რომ ამგვარ მოქმედ პირებზე, მწერლები იყონ გინდ პოლიტიკური მებრძოლენი, სჯისა და აზრის შედგენას და გამოთქმას საშემდეგოთ სტოვებენ, არც კარგს და არც ცუდს აზრს არ ადგენენ და ფიქრობენ ბოლოს მოუცადოთ, დასასრული ნათლათ დაგვანახებს ამ პირის სიკარგეს ან სიაფესო.

მაგრამ ამისთანა გონიერი მსაჯულები, საუბედუროთ, იშვიათები არიან. იმათზე უფრო ხშირათ საზოგადოებაში უკუდო, უაზრო და უმიზნო პირები შეხვდება კაცს, რომელნიც ყველას და ყველაფერს საკუთარი დაბალღმინებული უნიჭობის და წვრილმანი თავმოყვარეობის თვალთ უყურებენ. ისინი ყველაფერში ერევიან, ყოველგან ცხვირს აკვებებენ, ყველასგან მორიდებას, პატივისცემას და ნდობას თხოულობენ, მაგრამ არც არაფრის

ვარიგება, არც არათრის მოხერხება, არც არა-
 თრის გაგება კი არ შეუძლიათ. იმათ ჰგონ-
 ნიათ, რომ რაკი მე ჩემს თავს მეტის-მეტათ
 პატიოსნათ ვსცნობ, ყველანი გულ-გაშლი-
 ლათ და დანდობით უნდა მიმიღებდნო, ყვე-
 ლას მე ხეირიან მოქმედათ უნდა მივაჩნდეო.
 და რადგანც გონიერ და პატიოსან მოქმედ
 პირს არც ეკადრება, არც გამოადგება „ბრწყინ-
 ვალე სიტყვების“ ან „მღულარე ბრაზების“
 რახა-რუხი, რადგანც ის თითქმის ყოველთვის
 უმჯობესს თავის მოქმედებას უბრალო ან
 უმნიშვნელო საქციელათ აჩენს, რადგანც ის
 სიტყვით დასცინის იმას, რასაც საქმით შერყე-
 ბა, იმ იმედით რომ ვისაც სასმენლათ ყურით
 აქვს და სახილველათ—თვალის ამაებსადგილ-
 ლათ დაინახავს და გაიგებსო, — უკუდო თავ-
 მოყვარენი და უტვინო ეთომ-გმირები ბრაზ-
 დებიან, განზე დგებიან და შორიდან გაუგებ-
 ლათ, დაუფიქრებლათ, წინდაუხედველათ ჯერ
 ბუტბუტობენ, მერმე თანდათან უფრო და
 უფრო მალლა ლაპარაკობენ და ბოლოს ყვი-

რიან კიდევ: ეს კაცი ჩვენ არაფრათ იმიტომ
 გვაგდებს, რომ თვითონ უხვირო და უსი-
 ნილისოაო. ისინი მართლაც რომ ვერ ახსნიან
 სხვანაირათ იმ გარემოებას, რომ მათ „შნო-
 იან“, „მცხარე“ ლაპარაკს კაცმა საკმაო ნდო-
 ბა არ მისცა, მათ გაშლილ მკერდს არ მი-
 ეკედლა, მათ გრძნობას არ ენდო, და თან
 სიტყვით არც კი უთხრა: თქვენში გულდამ-
 ჯდარი, თავ-გამომეტებული, თავ-დამეწევე-
 ლი შრომისა და საქმის უქონლობას ვიწუ-
 ნებო. ვერ წარმოიდგენს კაცი, რამდენი ეჭვი
 და ცილისწამება იბადება მაშინ ამ ნაირი პი-
 რების თავში, რა უხვიროთ და უტვინოთ,
 ხსნიან ისინი თითოეულ სიტყვას, ნაბიჯს-
 მოქმედებას იმ პირისას, რომელსაც ისინი
 ვერ მიეკედლენ ან ვერ დაეთანხმენ... მაშინ
 მისი ირონიით ან ხუმრობით ნათქვამი სიტ-
 ყვა, მისი გადაკრულათ გამოთქმული აზრი, მისი
 თავის-თავის გმობა ამ პირებს პირდაპირ ესმისთ.
 გაუგებლათ განაგონი ჭრაზა იმათ ტვინში
 სხვაფერდება, იმას მათი საკუთარი ეჭვი ემა-

ტება, თან სხვისი ბუტბუტი, მერე ქორი და საბოლოოთ გამოდის „ხმა“, ვითომ რასმეზე დაფუძნებული, ვითომ რითიმე დამტკიცებული. წადით, მაშინ, და უყარეთ კაკალი!

წელან ჩვენ სხვილ-სხვილი მაგალითები მოვიყვანეთ. ჩვენ გარემოებაში, ჩვენს ქვეყანაში ამისთანა მაგალითები, რასაკვირველია, გამოუღებარი და უმნიშვნელო არიან. მაგრამ ესლა ორიოდე წერილმან, უბრალო მაგალითებს მოვიყვანთ ისეთებს, რომელნიც ჩვენ შიდაც გასაგები უნდა იყვნენ.

ვთქვათ, მკითხველო, მოინდომე შენ რომელიმე წერილმანი საქმის გამოწყება, ვთქვათ წიგნის მალაზიის გახსნა, გაზეთის გამოცემა ან სხვა რამე ამ გვარი. ვთქვათ, ამ საქმის კარგათ წასაყვანათ გაიცან შენ ათიოდე პირი, რომელთაც ეს აზრი სახეირო დაწყებათ მიანიათ და მისი ასრულებაში მოყვანა სურთ. დაიწყეთ საქმე ერთათ. საქმის წაყვანის დროს, უეჭველია, შეგემთხვევათ რომელიმე კერძობით კითხვაში უთანხმოება, ბაასი, სჯა. ხომ?

უეჭველია, რომ თუ შენ და შენი ამხანაგები
 სინილისიანი პირები ხართ, საქმე იმით
 დაბოლოვდება, რომ მოილაპარაკებთ, ყვე-
 ლანი თქვენ თქვენს აზრს გამოთქვამთ, თქვენ
 თქვენს საფუძველს მოიყვანთ, და მაშინ ის
 გადაწყვეტილება უნდა მიიღოთ, იმ გზას უნ-
 და დაადგეთ, რომელიც თქვენი ამხანაგების
 უმრავლესობას უკეთესათ მიაჩნია. მაგრამ წარ-
 მოვიდგინოთ, რომ უმრავლესობაშ საქმე იმე
 გადაწყვიტა, როგორც, ვთქვათ, შენ თქვი,
 და ორიოდ შენი ამხანაგი კი ამას არ დაე-
 თანხმა, არ გვინდაო, თქვეს, არაო. უეჭველია,
 რომ თუ მთელი საქმის დანგრევა და დაშლა
 არ გსურსთ, თქვენ, უმრავლესობა, იმ ორი-
 ოდე განს-გამდგარს ეტყვის: კარგი, რადგანც
 არ გსურთ, მშვიდლობით ბრძანდებოდეთ, რაც
 შემოვიტანიათ მიერთებით, რაც ღვაწლი დაგი-
 დვიათ დაათასეთ, გავსწორდეთ და ღმერთმა
 გზა დაგილოცოსო! ასეა, ხომ? მაგრამ წარმოვი-
 დგინოთ, კიდევ, რომ ეს ორიოდ პირი წაბ-
 ძანდა და ქუჩა-ქუჩა თრევა და საყვედური

დაიწყო, ეს საქმე ჩვენ დავიწყეთ, ჩვენ გავაკეთეთ და ეხლაკი იმ პირმა (ესე იგი შენ, მკითხველო, და არა თქვენი ამხანაგობის უმრავლესობამ) წაგვართვა, მოგეტაცა, მოგეპარაო! ამას ჯერ ერთი იტყვის, მერე ათი განმეორებს, ბოლოს ასი, და დაგერქვა შენ მტაცებელის სახელი.

ეს მიუთითებელი, ერთობ ბურულში გამოთქმული მაგალითია. მოვიყვან მეორეს, უფრო ნამდვილს, უფრო პიროვნულს. ერთხელ მე, ექვსიოდე ამხანაგების დახმარებით, ვბეჭდავდი ერთი მეტის მეტათ გამოჩენილი მწერლის თხზულებას. ერთმა ჩემმა თანამშრომელმა დაიჯინა, რომ ამ ჩინებულ თხზულებაში ერთი თავი უნდა გადაეკეთათო, ჩვენ თვითონ ხელახლათ დავეწერათო, რადგან ჩემი აზრით ამ თხზულებაში გამოყვანილი ქალი სტირის, როცა ქმრის სიკვდილს ტყობილობს, და ხეირიან და გულმაგარს ქალს როდი უნდა ეტირაო. წარმოიდგინე მკითხველო, რა უნდა მეთქვა მე ამ ხეპრულ აზრ-

ზე? რასაკვირველია მე ჯერ კერძობით მთელი ერთი კვირის განმავლობაში უმტკიცებდი ამ ახირებულ კაცს, რომ იმ ქალის ხასიათი ჩინებულათ გაუგია და მშვენიერათ გამოუხატავს ავტორს, რომ ჩვენ მისი გასწორება და გადასხვაფერება არ შეგვიძლია. სხვა რომ არაფერი იყოს, მკითხველი საზოგადოება მასხართ აგვიგდებს და სხვ. და სხვ. როცა ამითაც არა გამეწყო რა, უთხარი კარგი, სხვა ჩვენ თანამშრომლებს ეკითხოთ, თუ დათანხმდებიან იყოს ნება, მათი მეთქი. მოვეგროვდით, იმან თავისი თქვა, მე — ჩემი. რასაკვირველია, რომ თითქმის ყველამ, ორს გარდა, ხარხართ უპასუხეს: — „რას მიედ-მოედებიაო, ეს თხზულება ისე უნდა დაიბეჭდოს, როგორც ავტორს დაუწერიაო!“ მაგრამ ის ორი პირი ამ უმრავლესობის გადაწყვეტილებას როდი დაეთანხმა. ჩვენ იმათ, მეტი რალა ღონე გვექონდა, გზა დაულოცეთ, რადგანც იმათ გამოაცხადეს, რომ თუ არ გადაგვაკეთებიეთ ის თხზულება, თქვენთან ერთათ

შრომა არ გვინდაო. მაგრამ წარმოიდგინე, ეხლა, მკითხველო, რომ იმ ორმა პირმა მაშინ ჩემზე ხმა დაყარეს, რომ იმ თხზულების ბეჭედა იმან იგდო ხელშიო, თუმცა თვითონ ძლიერ კარგათ იცოდენ, რომ ხარჯის და გაჭირვების, წოწიალის და თვალის სინათლის დაკარგვის მეტს არც ხეირს, არც სარგებლობას, არც სახელს მე ის ბეჭედა არა ფერს მაძლევდა.

ამისთანა წერილმანი უსაფუძვლო სამდურავი და უკმაყოფილება ჩემს სიცოცხლეში იმდენი მრგებია რომ, მათი ჩამოთვლა რომ მოვიწოდო, მთელ „კრებულს“ ავაესებდი. მაგრამ აქ მე ეს ჩემი პირადი ცხოვრებისგან მაგალითი მართო იმიტომ მოვიყვანე, რომ მეჩვენებია, რომ მართო ჭანტაზიის დახმარებით კი არ დამიხატავს ის სურათი, რომელიც ამ სტატიაში აწერე. ეხლა კი ამ მაგალითს თავი უნდა დაეანებო, და როგორც წელან „სხვილ-სხვილი“ მაგალითების შედგენი მოვიყვანე, ისე აქ ამისთანა წერილმან

მაგალითებს ხანდისხან რა ბოლო აქვს
 ისიც უნდა ვთქვა.

ერთხელ ერთმა პიროვნათ საკმაოთ პატი-
 ოსანმა, თუმცა ერთობ თანემოყვარემ და უსა-
 ფუძელო მწერალმა არ მოიწონა მეორე
 მწერლის აზრი, ეს მეორე მწერალი ემიგრან-
 ტებზე სწერდა, რომ იმათ მოქმედებას საკ-
 მაო გონიერების და დაუღალველი შრომის
 ხასიათი არა აქვსო, სასურველია, რომ ისინი
 უკეთეს გზას დაადგენ, ანა და მთლათ და-
 ნებონ თაქი საზოგადო საქმეებში გარეყასო.
 ეს აზრი არც ერთ პიროვნებას არ შეეხებო-
 და, ის მარტო საზოგადოთ სჯიდა. ამის პასუ-
 ხათ პირველმა მწერალმა დაბეჭდა, რომ ვინც
 ამისთანა აზრს გამოთქვამს ემიგრანტებზე ის
 შვიონი და უსინდისო კაციო. ვინაო, ჩვენ
 იმას კარგათ ვიცნობთო, ის მტარცველი და
 მტაცებელიო, და სხვ. და სხვ. და სხვ. მაგ-
 რამ თუმც ის ამას იმ მიზნით ამბობდა, რომ
 მეორე მწერლის პიროვანი შეურაცხყოფით
 ემიგრანტები დაეცვა, თითქმის ყველა მისი

ნაცნობები ისეთ ნაირათ გააჯაგრა და ააშ-
 ფოთა იმ გარემოებამ, რომ ეს მწერალი ძალი-
 ან კარგათ გრძნობდა მისგან დიბეჭდილი ცი-
 ლისწამებების უსაფუძვლოებას და სიცრუეს
 და შაინც ამ იარაღს ხმარობდა, რომ ის ყვე-
 ლამ მათოვია და მოიძულა, ერთათ ერთი
 კაცის მეტმა, რომელიც მისი აზრის იყო,
 როცა ის გამოჩენილი მწერლის რომანის
 გადაკეთებას აპირებდა.—ამ შემთხვევის შემ-
 დგ ოთხ თვეს არ გაუვლია. და ამ ახირე-
 ბულმა მწერალმა ყველასგან მიტოვებულმა
 და შეურაცხყოფილმა, ერთ უბედურ დილას
 თავი მოიკლა... მისი მეგობარი კი, მართალია,
 დღეს ცოცხალია, მაგრამ ვაი იმისთანა სი-
 ცოცხლეს: ის დღეს „მოსკოვის უწყებებში“
 დონოსებს სწერს, იქნება ამით მაინც თავი
 შეაბრალებინოს და „თფილ ნავსაყუდარს“
 თავი შეიფაროს. . .

IV

ეს გრძელი ამბავი ჩვენ იმისთვის მოვეყვით, რომ გვეჩვენებია თუ რა ნაირი წინდახედულობა და საფუძვლიანობა აუცალებლათ საჭიროა ამ გვარ საქმეებში და სჯაში. სინი-
 დისიანი მწერალი თავის დღეში არ უნდა დამდაბლდეს იქამდი, რომ თავის სჯაში, გაბრაზებულ გუნებაზე, უთაებოლო და უსაფუძველო ჭორიკანაობას ხელი წაავლოს და გამოუკვლეველათ, განუხილველათ იარაღათ იხმაროს. მწერალს მოწინააღმდეგე პირის დასამარცხებლათ საკმაო იარაღი აქვს: ამ პირის აზრების განხილვა, საზოგადო საქმეებში მისი მოქმედების დაფასება, მისი უნიჭობის ან უგუნურობის გამოაშკარაება; გაჭირებას მეტი როდი რამე უნდა აიძულებდეს მწერალს თავის მოწინააღმდეგეს სულში ჩაძვრომას, მისი პიროვანი ცხოვრების და ხასიათის, მისი შინაური მოქმედების შეხებას, — თუმც იმას ამის უფლებაც აქვს. და როცა ეს საჭიროება

იმას წინ უდგება, მაშინ იმას მეტის მეტი
 თავ-დაკაეება წინდახედულება საფუძვლია-
 ნობა სჭირია, რომ მისი სჯა გაბრაზებულ
 თავმოყვარეობათ არაინ ახსნას, მისი აზრი
 პიროვანი ჯიბრის ამოყრათ არაინ იცნოს
 და ამით როგორც თვითონ ამ მწერლის, ისე
 საზოგადოთ მწერლობის და წერა-ბეჭდვის
 მნიშვნელობა და გავლენა არ შემცირდეს
 და არ დაიღუპოს.

თორემ როცა რომელიმე მწერალი, რამე უმ-
 ნიშნელო პიროვან გაბრაზების დროს, თავის
 მოწინააღმდეგეზე იმით იყრის ჯიბრს, რომ
 მკითხველი საზოგადოების წინ იმაზე ეჭვი
 შემოაქვს, მის პატიოსნებას და ხასიათს, მის
 შინაურულ ცხოვრებას ეხება, და ამ მიზნით
 უაზრო ჭორებს ჰკრებს, თავისასაც ბევრს უ-
 მატებს, ტყუილსა და ვითომ-მართალს ერთათ
 რევს და როტავს, და ყველა მხრით, გამოუ-
 ძიებლათ, განუკითხველათ, თავისი მოწინა-
 აღმდეგისთვის საენებელ ამბებს აგროვებს,
 იმის განუხალველათ თუ საიღამ, რა წყარო-

დამ, როგორი პარებიდომ და მიმართულები-
 დამ გამოდის ეს ამბავი ან ჭორი, მაშინ ის—
 თუ სინიდისი მთლათ ერთიანათ არ დაკარ-
 გვია—მეტის მეტათ საზარელ და საშინელ
 პასუხისგებლობას კისრულობს და ცუდ მო-
 მავალს იმზადებს... აშკარათ უსინიდისო ან
 გეჟობამდი გაცოფიანებული კაცის მეტი
 ამას არავენ იქს, ჩვენში იყოს, გინდ სხვაგან.
 ეს ისეთი ჭეშმარიტებაა, რომ დამტკიცება-
 საც არ თხოულობს.

V

ამ შენიშვნების გამოტქმის შემდეგ, გადა-
 ვიდეთ უფ. ფურცელაძეზე. ამ ვაჟბატონს
 შეუბოჭავს რაც კი რამ ცუდი გაუგონია სა-
 დზე ჩემზე, და დაუბეჭდავს ეს ყველაფერი
 გაუხილველათ, მოუფიქრველათ, თითქო მარ-
 თლა დარწმუნებული იყოს ამ ცილის-წამე-
 ბის სინამდვილეში, თითქო ხეირიანათ გამო-
 ეკვლიოს მათი წყარო და ვითარება. მისი სი-
 ტყვათ მე და ჩემი მეგობრები ისეთი კაცები

ვართ, რომ ჩვენთან საქმის დაკავება შეუძლებელია ყოველი პატიოსანი კაცისთვისო. ამაში მე, ამბობს ფურცელაძე, ყველა პატიოსანი კაცი დამეთანხმაო. წესჯერ ერთი პატიოსანი კაცი მინახავს ფურცელაძის თანამოაზრე ამ საგანზე—უფ. ბ. ლოლობერიძე, და თუ უფ. ფურცელაძეს სხვა ვინმე უნახავს, არ ვიცი. ის კი ბეჯითათ ვიცი, რომ ამაში უფ. ფურცელაძეს არ დართანხმებია უფ. ანტ. ფურცელაძე, რომელიც სრული გულით თანხმად იყო ჩვენისთანა უპატიოსნო პირებთან ერთათ საქმე დაეჭირა და ერთათ ეწრომა „დროებაში“ და „კრებულში“, მაგრამ—როგორც ისტორია მოგვითხრობს, ამის უარი ანტ. ფურცელაძისთანა პატიოსან კაცს კი არა, ჩვენისთანა უპატიოსნო კაცებს გამოუცხადებია. ეკითხოს, აბა, „ქიტესას“ და ზოგიერთი „დროებისთვის“ დანიშნული სტატიების და ლექსების ავტორს, უფ. ფურცელაძეს, ვის ვინ დაუწუნია, ჩვენ—ბმას, თუ ის—ჩვენ.

მაგრამ ეს უბრალოდ კინკლაობაა, ინუგეშოს,

დღეს, „ქიტეას“ და „მაცი ხეტიას“ ავტორ-
 მა, რომ ჩვენ კი არ დაგვიწუნებია მისი ნაწე-
 რი, იმან ჩვენ უპატიოსნობა დაგვიწუნა და
 იმიტომ ჩამორჩა ის „კრებულ-დროებას“,
 როგორც უწინ „საქართველოს მოამბეს“
 ჩამოაკლდა. ბევრათ უფრო შესანიშნავია
 სხვა, უფრო მომსხო ბრალის-დადებები,
 რომელიც აქა-იქ მოუხიკავს ჩემზე უფ. ფურ-
 ცელაძეს. ეს ბრალის-დადება, მკითხველო,
 აი როგორი თვისების არის: ვითომ მე მტა-
 ცებელი და უსინიღისო კაცი ვიყო, მარტო
 ჩემი პიროვანი მიზნის მადეველი, ამ მიზნის-
 თვის, ესე იგი ორაოდე მანეთის ხელში ჩაგ-
 დებისთვის სხვა და სხვა კასსების მცარცვე-
 ლი, მოღალატე და სხვ. რამოდნათ შეეძლო
 ამ საგანზე აზრის შედგენა უფ. ფურცელაძეს
 ეს იმან და იმისმა სინადი სმა იცოდეს; მაგრამ
 დიდ მოაზრების ძალას ეერ იჩენს ის, როცა
 ამ ხეპრულ ცილის-წამებას იმეორებს. უფ.
 ფურცელაძეს დიდი გონება როდი სჭიროდა
 იმ მოაზრების პოვნისთვის, რომ ჩემისთანა

კაცი კი არა, ერთიანათ, ტვინგათხელებული
სულდგმულიც არ იკადრებს ოცი მანეთის-
თვის სინიდისზე ხელის აღებას. და თუკი უფ.
ფურცელადემ ამ კასაზე ლაპარაკი დაიწყო,
იმას აღბათ მისი გარემოება ეცოდინება, და,
მაშასადამე, დარწმუნებული იქნება, რომ
ამ კასაში ოცდახუთ მანეთზე მეტი თავის
დღეში ერთი კაპეიკიც არ ყოფილა. ანც
დიდი გონება დასჭირდებოდა უფ. ფურცელა-
ძეს იმ სტატიის გასაგებათ, რომლიდამაც
იმას ეს ცილისწამებები ამოუწერია: შიგვე
პირდაპირ სწერია, რომ რაც ფული მე გამ-
ქონდა ვითომ, იმ ფულს მე მაშინვე კასსდრს
ვაძლევდი. მაშ თუ ამ და ბევრ სხვა ამისთანა
გარემოებებს იმისთვის თვალი ვერ აუხელია,
ცხადათ სჩანს, რომ უფ. ფურცელაძეს ან
სრულებით არაფრის გაგება არ შესძლებია
და მართლა ბრმა ყოფილა, ანა და განზრახვით
და საგანგებოთ მკითხველების შეცდენა სურ-
ვებია იმისთანა ამბების გარდაცემით, რომე-
ლიც იმას თვითონ ტყუილ ცილისწამებათ

უცენია. „ან ბრიყვი, ან ცრუ,“ ამ ორ სახელს ის ველარ წაუთვა, და რომელიც სურდეს, ის შიითვისოს.

ნუ თუ, მართლა, ან დიდი გონება ან დიდი გამჭრიახობა ან საგანგებო დაკვირება სჭირია კაცს და სჭიროდა ფურცელაძეს იმისთვის, რომ ჩვენი მოქმედების და ხასიათის წამდელი მხარე გაეცნო და დაენახა? ნუ თუ, მართლაც წერილმან და პიროვან სარგებლობას რომ ვეძებდეთ, ჩვენს ქვეყანაში ჩვენ სხვა უფრო „სარგებლიანს,“ უფრო „მყუდრო“ და „პატივცემულ“ ასპარეზს ვერ ავირჩევდით, სადაც ქურდობა, რომ მონღოლმოს კაცმა, ათი ათას თუმნობით შეიძლება და თავმოყვარეობის დაკმაყოფილება ათი ათასჯერ უფრო ადვილათ და იაფათ დაჯდება? დიდი ბრიყვი და ჩერჩეტი უნდა იყოს ის ქურდი და მცარცველი, რომელიც გატყავეზულ და გალატაკებულ მინდორში, გენა მზისა და ქარიშხლის ქვეშ, უბრალო ბალახ-ბულახს იპარავს ან იტაცებს, როცა იმას ადვი-

ლათ შეეძლებოდა, სხვა უფრო უხვ წრეში უფრო უხვი „საშოერის“ შექმნა. ამ უხვი საშოერის მაგალითები, ღვთის მადლით, ჩვენში იშვიათი როდია, და თუ კაცი იმათ ვერ ხედავს ან ისე იმკვდნურებს თავს თითქო ვერ ხედავდეს, ცხადია, რომ ის ან პიროვან გაბრაზებას დაუბრმავებია, ან რამე სხვა მიზეზებს უსინდისო მსაჯულათ გაუხდია. ორივე შემთხვევაში, ვიმეორებთ, იმას თავი მკეთილათ ვერ უსახელებია. როცა კაცი ამისთანა მდგომარეობაში დგება, ასე აშკარათ ბინძურ იარაღს ხმარობს, ის ამით თვითონ ამტკიცებს, რომ ერთობ სუსტათ და ცუდათ ყოფილა მისი საქმე, და ის, წყალ-წალღებული კაცის არ იყოს, სხვა დახსნის და შევლის იმედ დაწმენდილი, ხავსა და ნაფოტებს ხელს ავლებს, რაგინდ გასერილი და საზიზღარი იყოს ეს ხავსი და ეს ნაფოტი.

VI

მაგრამ ჩვენ დიდათ შეეცდებით, უ. ფურცელაძის ცილისწამება მარტო წუთიერ გაბ-

რაზებას რომ მივაწეროთ. რაგინდ უსამზღ-
 ვრო და სასტიკი იყოს ეს გაბრაზება, დროსა
 და ფაქრს ყოველთვის შეეძლებოდა მისი
 გონებაში ჩაგდება და სინანულის ან უარყო-
 ფის დაბადება. აქ, ამ შემთხვევაში, ჩვენი აზ-
 რით, საქმე უფრო ღრმათაა წახდენილი, იმას
 უფრო ხანგრძლივი საფუძველი და მიზეზება
 აქვს. ჩვენ ამ საგანზე ორიოდ სიტყვა უსა-
 თუოთ უნდა ვთქვათ.

✓ როცა ჩვენი თაობა ჩვენს მწერლობაში
 გამოვიდა, როცა იმან ზოგიერთი ახალი მო-
 თხონილება და მიზანი შემოიტანა ჩვენს
 წერა-ბეჭდვაში, როცა მისმა შრომამ ცოტა-
 ოდნათ ჩქმეტა და ჯლიქვების კერა დაუწ-
 ყო ჩვენს მიძინებულ საზოგადოებასა და გან-
 საკუთრებით ჩვენს უხვირო ვითომ-ახალგაზ-
 ლობას, ზოგიერთმა პირებმა ყური გააცქიტა
 და ჩვენი გაჩუმება თუ არა, ალაგმა მაინც
 მოინდომა. ზოგმა იმათგანმა თავისი თავი
 პიროვნათ ჩვენი თაობისგან შეურაცხყოფი-
 ლათ იცნო, ზოგი მეხსიერათ მიხედა, რომ

ჩვენი თაობა სულ სხვა მიზანს და სხვა გზას ადგა ვინემ იმათი, და აღრე თუ გვიან ჩვენს შორის სასიკვდილო ბრძოლა უნდა გამართულიყო; ზოგმა ჩვენი თაობის „ახირებული“ საქციელი და შრომა ვერ მოინელა, — მაგრამ ყველამ კი ჩუმი, ქვეშ-ქვეშა წინააღმდეგობა დაგვიწყო. ჯერ ჩვენმა მოწინააღმდეგებმა ერთომ ჩვენი პატრონობა, დარიგება, გაწვრთნა მოინდომეს, და ლამის კინალამ „მნათობის“ ბედი დამართეს „დროებას“ დაუბოლოებელი, ბრძნული, გაუგებარი და ლაყე სტატიების მოცემითა. მაგრამ ერთის მხრით „დროების“ რედაქციამ, მეორეს მხრით ახალი შემოსავლიანი ადგილების გახსნამ „დროებას“, ღვთის მადლით, ეს განსაცდელი და ბედი ააცილეს. შემდგომ ამისა ამავე პირებმა, სხვების დახმარებითაც, ახალი წინააღმდეგობის სისტემა მიიღეს. მოივარაყეს თუ არა საყელო, გაიგუდენ, ბრძნული შეხედულება მიიღენ და ჩვენი უბედური საზოგადოების წინ ჩვენს მწერლობაზე ფხრების აწევით და შებ-

რალების ღიმილით წაყრუება დაიწყეს, და თუ
 როდესმე სიტყვას ამოიღებდენ, მარტო ამას
 გვაკადრებდენ: — „ეჰ, ეს წერა-ბეჭდვა სულ
 ბოვშობააო!“ თან კი ისე გააქნევდენ თავს,
 თითქო თქმა უნდოდათ: „აი, წერა, ბრძნული
 წერა როგორი უნდა, იმას ჩვენ გაჩვენებდით
 დრო რომ გვექონდესო.“ უცადეთ ჩვენ ამ
 „დროს“, მაგრამ ის დაწყებული არსაიღამ მოვი-
 და, და ჩვენ აბა რა გაგვეწყობოდა, ჩვენ ჩვე-
 ნი „ბავშური“ წერა უნდა გაგვეგრძელებია.
 ამასობაში, რაკი „დახმარებით“ და წაყრუებით
 ვერა გარიგეს რა, ჩვენმა წინააღმდეგებმა
 მესამე საშუალება იხმარეს: როცა საზოგადო-
 ებაში იმათ თანდათან უფრო და უფრო ხში-
 რათ ესმოდათ, რომ ჩვენს მწერლობაში
 „მართალი“ და „გონიერი“ რამ გამოითქმოდა
 ხანდისხან, იმათ ის აიხირეს, რომ აზ-
 რი კი, მართალია, ხანდისხან სწორია, მაგ-
 რამ ენა გროშათ არ უვარგათო. მკითხვე-
 ლი ვერ წარმოიდგენს, რამდენი თანამგრძნო-
 ბელი, მკითხველი, დამჯერი და ყურის მგდე-

ბლები გვაკლდებოდა ჩვენ, რამდენი მოთმინება და შრომა გვეჭიროდა, რამდენი თვისა და წლის ღვაწლი და დაუღალველობა, იმის გულისთვის, რომ თითოეული ამ გვარი ხეპრულის, ყრუთ გამოთქმული, ბრმათ გაგებულთ ვითომ-სჯა გამოითქმოდა ჩვენზე. ერთი ვარაყსაყელოიანი რომა მისთანა სჯას გამოთქვამდა, მოივლიდა ის სჯა მთელ საზოგადოებას და შეურყეველ ჭეშმარიტებასავეთ დაფუძვნდებოდა: ისეთი გავლენა ჰქონდა იმ დროს ამ პირების სიტყვას და აზრს. მაგრამ, როგორც იქნა, ჩვენ მოვახერხეთ ამ მესამე სისტემის თავიდან აცილება. ჩვენი წინააღმდეგების გმირული ხასიათი ისეთია, რომ თუ იმათ კაცმა წაუყრუა და გაუჩუმდა, შეგაჯდებიან კისერზე და ხედნას დაგიწყებენ, ბატონათ გაგიხდებიან. მაგრამ ერთი თუ შესძახე, ერთი „ციც, შე გლახა!“ თუ შეჰყვირე, მოიკაკეებიან, გაიბუსებიან და მკედრათ მიეგდებიან, სანამ რამე ახალს, უცნაურს ოინს არ მოიგონებენ და შორიდან მხთალათ მახეს არ დაგიგებენ. ამის

მიხედვით ჩვენ იმათ ერთი სტატიით *) ჩვენს „ენაზე“ ლაპარაკი შევაწყვეტინეთ. და ეხლა, რაკი ამ ეაჟბატონებს ეს სამი სისტემა წაუხდათ, რაკი მათი წინააღმდეგობა ამ სამი მხრით იმათ უნამყოფოთ თავზე ჩამოეხიათ, მოუგონიათ მეოთხე, ძლიერ მძლავრი და ოსტატური სისტემა.

„მოუგონიათო“ რომ ვთქვი, შეცთომა მოგვივიდა. ეს მეოთხე სისტემა ის იეზუიტური სისტემაა, რომელიც ხელოვნურათ გამოხატა ბომარშემ, ამ ასი წლის წინეთ, თავის კომედიაში „სევილის დალაქი.“ ამ კომედიაში გამოყვანილი იეზუიტი, დონ-ბაზილ, იმ საქციელს აღგია, რომ ვისიც წინააღმდეგობა უნდა, ვის დამარცხებას ეძებს, იმაზე ერთ უშევრს, აზრში მოუსვლელ რასმე მოიგონებს და ვისმე ყურში ჩაუწვეთს, ხალხში ხმათ გააგდებს და მერმე შორიდან სვირს უყურებს. იმან ჩინებულათ იცის, რომ მცი-

*) „დროება“ 1870, № 42 („ჩემ მკითხველს“)

რედი იჭვი, ერთი ნამცეცა შეწამება, ერთი-
 ოდენა ბრალისდადება, რაგინდ დაუჯერებე-
 ლი და უცნაური იყოს, თაფისდღეში არ დაი-
 კარგება, უკვალოთ არ გაჰქრება: ის თანდა-
 თან უფრო დიდდება და სხვილდება, ზევისა
 არ იყოს, გზაზე ახალ-ახალ ფესვებს და შტო-
 ებს ისხამს და ცოტახანს შემდეგ მთელ სა-
 ზოგადობაში ვრცელდება, ყველას ტვინში
 და გონებაში უჯდება და მაშინ იმას ვერ
 ამოგლეჯს და ვერ მოსპობს ვერც ერთი
 გმირის მძლავრი ხელები.— «ცილისწამეთ, ცი-
 ლისწამეთო, ანბობს დონ-ბაზილ, რაგინდ
 უშვერი რამ მოიგონოთ ცოტას მაინც დაი-
 ჯერებენო!» — აი ამ საქციელს დაადგენ ჩვენი
 წინააღმდეგები, ეს საშუალება მიიღეს იმათ
 მეოთხე სისტემათ.

ამ გვართ, როცა ვერც ჩვენი აზრების
 დარღვევით, ვერც ჩვენი საზოგადოებრივი
 მოქმედების შეურაცხყოფით, ვერც მწერლური
 ნიჭის ძალით, ვერც სამნაირი ოსტატური
 ონით ვერ მოიგეს იმათ საზოგადოების გუ-

ლი და თანაგრძნობა, და ჩვენი მწერლობა ვერ ჩააჩუმეს და ტალახში ვერ გათქირეს, ისინი ჩვენს შინაურ ცხოვრებას, პიროვნულ ხასიათს, კერძობობით მოქმედებას შეეხენ, და ვითომ ამ შეხებისთვის მოიგონეს, მოძებნეს და მოხიკეს ყოველნაირი ქორები, რომელიც კი როდისმე ჩვენზე ან გაბრაზებულ თავმოყვარეობას, ან დაბრმავებულ ხარბობას, ან უმეცარ უნიჭობას მოუგონებია, და აგრცვლებენ ეხლა საზოგადოებაში, გადასხვაფერებულათ, შეფერილათ, გაბერილათ და მომეტებულათ. და რაც ჩვენ უწინ ამაყურათ უყურადღებოთ მიგვიტოვებია, რასაც ჩვენის მხრით პასუხი კი არა, შებრალების ღიმილიც არ ღირსებია, რისიც პასუხის გაცემის ნება ჩვენთვის ჩვენი თავის პატივს არ მოუცია, ის ყველაფერი შეგროვებული, გადასხვაფერებული და გაზვაფებული გვხვდება ეხლა ჩვენს წინ, იმისგან გვიშენებენ ეხლა იმ ჩინეთურ კედელს, რომელიც ჩვენსა და საზოგადოებას შუა უნდა დადგეს, ამ ვაჟბატონების აზრით.

როცა ამგვარ ქორებს, ამგვარ ცილისწამებას უნიჭო, ან უტყინო პირები საკუთრივ ჩემზე გამოთქმაედენ, როცა ამისთანაებს ჩემზე კიდევ ბეჭდენ, მე ვიცინოდი და ვხარხარებდი, როგორც კაცი, რომელსაც აბრალებენ, რომ ის ცხრა დღის სავალზე წაეიდა, და ათასი თუმანი დახარჯა ორი შაურის მოსაპარავათო. მაშინ საქმე მარტო მე, პირად მე მეხებოდა, და მარტო ჩემზე იყო დამოკიდებული მივიღებდი მე იმას ყურადღებაში, ვიწყენდი, ამოვიღებდი ხმას, თუ არა. მაშინ ჩემმა სიამაყემ ამაებს ყურშიც არ ათხოვა: პირათ მე ერთობ დარწმუნებული ვიყავი და ვარ მათ ბოლონდელ გამოცრუებაში და ჩემი სახელის უმანკოებაში. სხვას რაც უნდა ის ეთქვა, ბოლო ყველაფერს გასჯიდა და ყველას შესაფერ სახელს, ღირსეულ დაღს დაასმიდა. მაგრამ დღეს, ჩვენში, საქმესულ სხვაფრივაა. დღეს ჩემ პიროვნობას რომ ეხებიან, პირად მე ვერაფერს მაკლებენ და ჩვენს მწერლობას კი დიდ ზიანს აძლევენ. ცილის-მწამებლებმა კარ-

გათიციან, რომ მე ამაებზე გავიცინებ, ვიტყვი
 კიდევ — „შეხედეთ რაებს სწერენ ან ამბობენ
 ჩემზეთქო“, და ჩემს საქმეს დაუბრუნდები.
 მაგრამ ამასთანავე იმათ კარგათ ნაანგარიშე-
 ვი აქვთ, რომ ჩვენს მწერლობას, ჩვენს „დრო-
 ებას“ ამით გავლენა აკლდება, საზოგადოების
 ტვინში ეჭვი შედის და ამის გამოისობით იმ
 კითხვებში და საქმეებში, რომლებშიაც ჩვენს
 მწერლობას პირდაპირი ხმა და გავლენა უნდა
 ჰქონდეს, მწერლობის მნიშვნელობა მციდე-
 ბა, მისი როლი პატარდება. აი ეს მიზანი აქვს
 ამ ცილისწამებებს, ეს განზრახვა უძევს იმ
 ბრალისდადებას, რომელსაც ჩემს წინააღმდეგ
 ხმარობენ. ერთი სიტყვით ამ შემთხვევაში ჩემს
 სახელს და პიროვნობას ხმარობენ იმ საშუა-
 ლებათ და იარაღათ, რომლითაც ჩვენი მწერ-
 ლობის დაცემა და ძირის გამოკაფვა უნდა
 დამზადდეს.

ამ მხრით, რასაკვირველია, ჩემი გაჩუმება
 და წაყრუება ჩვენი მწერლობისთვის სავენებ-
 ლი იქნება, და როცა მწერლობაში გამოდის

ვინმე, რომელიც ამგვარ ცილისწამებას
რობს ჩვენს წინააღმდეგ, რაგინდ სასაცი-
ლო ან საზიზღარი იყოს მისი ნაწერი, რაგინდ
სათაკილო იყოს იმასთან ბაასშა შებმა, ჩემი
მხრით აუცილებლათ საქიროა მისი ნაწერის
ხელში აღება და გასინჯვა, მისი გაჩუმება და
დასჯა.

მაშ მიუბრუნდები, ისევ, უფ. ან. ფურცე-
ლაძეს.

VII

ეს ჩვენი ვითომ-მწერალი მწამებს, ვითომ
მე რაღაც საშინელი უპატიოსნო და უსინი-
დისო საქმეები ჩამედინოს ჩემს სიცოცხლეში.
ამასთანავე ის მითათებით მიწერს, ვითომ მე
კუდაბზიკაობით, მასთან ლაპარაკის დროს,
პისარევი და სხვ. შპიონათ გამომეყვანოს და
ჩემი თავი კი ისეთ დიდ-რამეთ, რომელსაც
ვითომ ლონდონშიაც უცდიდენ, პარიჟშიაც
უჯერებდენ და სხვ. და სხვ. ერთი სიტყვით

მისი ლაპარაკით მე გამოვდივარ მარლა რა-
 ლაც ცრუ-პენტელათ, ბაქია კუდაბზიკათ და
 უკუდო მკვეხნელათ. ვიმოწმებ ყველა ახალ-
 გაზდებს, თითქმის ასიოდე კაცს, რომელთა-
 ნაც მე ძლიერ ხშირათ ამ საგნებზე მილაპა-
 რაკნია, მითქვამს როდესმე ვისმესთვის ამგვარი
 რამ თუ არა. და პირდაპირ, აქვე, დარ-
 წმუნებით ვამტკიცებ, რომ ვერცერთი იმათ-
 განი ვერ იტყვის—გითქვამსო, რალა მაინცა
 და მაინც ანტ. ფურცელადეს მივადექი ამის-
 თანა თვალ-და-ხელ-შუა ტყუილ სიტყვებით,
 და თუ მაინცა და მაინც სიცრუენის მოგო-
 ნება მიხდოდა, ნუ თუ უფრო დასაჯერებე-
 ლი, უფრო ჭკვიანური რამ ვერ გამოვი-
 გონე?—

ეს ერთი, მაგრამ ამ გარემოებას მე ისე არ
 გაუშვებ, სანამ მკითხველს ამავე მაგალითით
 არ აუხსნის, რა ნაირათ შედგება ხოლმე, ზო-
 გიერთი უტვინოების ან უსინიდისო პირების
 დახმარებით, ძლიერ უბედურა და ხეპრული

ცილის-წამება, რომელსაც შემდეგში იქნება დაჯერებაც და რწმუნებაც მიეცეს.

წარმოიდგინე, მკითხველო, რომ ლიტერატურულ მუსაიფში მე, ვთქვათ, აი ეს აზრი გამოვთქვი: მე პისარევს იმიტომ არ ვაფასებ, რომ იმან, 1862, როცა რუსეთში ხეირიანი მოძრაობა და უკეთესი მომავლის იმედი იყო, იმის ქადაგება დაუწყო ახალგაზდობას, რომ „მე რა მენალღება ვლენი-კაცი როგორ იცხოვრებს, როცა ჩემგან მტვერის მეტი არაფერი დარჩებაო“. წარმოიდგინე, კიდევ, რომ ამას მე დაუმატე: ამგვარი ქადაგებით იმან იმ მიმართულებას ავნო, რომელსაც ჩვენი სიმპატია ეკუთვნის, იმ მიმართულებას არგო, რომელიც ყოველ პატიოსან კაცს საზიზღარათუნდა მიაჩნდესო. ეს ხომ ლიტერატურული კრიტიკის აზრია, მეტი არაფერი? მაგრამ იმ პირებს შუა, რომელთანაც ეს ლაპარაკი მაქვს, დაესწრება ვინმე, უფ. ფურცელაძისთანა მხიზელ-ყურიანი, და სამი-ოთხი წლის შემდეგ

გხვდება აი ეს „ბრალის დადება:“ — შენ სთქვი პისარევი შპიონი იყო.

წარმოვიდგინოთ კიდევ, რომ 1868-ში, როცა ჩვენში ჟულ-ჭაფრი და მისი ამხანაგები თითქმის ყველას გმირათ და გენიოსათ მიაჩნდა, შენ აი რა სთქვი: ჟულ-ჭაფრს ისეთი მიმართულება აქვს, რომ ის ახალ-მიმართულებას, ახალ-ცხოვრების მომხრეებს ხეირს არ დააყრის, ის დიდ ვნებას მოუტანს საფრანგეთსო; ჩემი აზრით აუცილებლათ საჭიროა, რომ მისი გავლენა მოისპოს, სანამ რესპუბლიკელი პარტია საფრანგეთის მმართველათ არ გახდება. ეს ხომ პოლიტიკური აზრის გამოთქმაა, მეტი არაფერი? ხომ დამტკიცდა ამ აზრის გონიერება დღეს? მაგრამ წარმოიდგინე, რომ იმ პირებს შუა, ვისთანაც შენ ეს აზრი გამოთქვი, ერთი ვინმე ფურცელაძე იყო, და „მნათობში“ ხუთი წლის შემდეგ იბეჭდება აი ეს ცილისწამება: — „შენ სთქვი, რომ

ფრანცუზებს ეურჩევდი ქულ-ჭაერი და მისი ამხანაგები ჩამოარჩევთო“! *)

წარმოვიდგინოთ, კიდევ, რომ სამზღვარს გარეთილამ დაბრუნების დროს რამდენიმე ძველმა ნაცნობებმა გკითხა—იქაური გამოჩენილი პირების ამბავი გვითხარი, ვინ ნახე, ვინ რააო, და შენ აი რა უპანუხე: მე არა ვინ არ მინახავს. ერთმა ჩემმა ნაცნობმა (ამან და ამან) კი მითხრა ვისაც ვინდა გაგაცნობო, მაგრამ მე არ მინდოდა იმათი გაცნობა: რაც მათში ჩემთვის გამოსადეკი იქნებოდა, იმას მე იმათ თხზულებიდანაც შევიძენდი, და ჩემი თავი იმათთვის აბა რა საინტერესო ან სასარგებლო იქნებოდა: ჭკუას ხომ ვერ ვასწავლიდი

*) ეს უეჭველია თვითონ უფ. ფურცელაძის რჩევაა, და მართო მისი უცოდინარობით აიხსნება. ამ რჩევას მე, აბა, როგორ მივცემდი ფრანცუზებს: ფურცელაძე ხომ არა ვარ, არ ვიცოდე რომ საფრანგეთში ჩამორჩობით დასჯა კანონით აღკრძალულია და იქაური საზოგადოებრივი აზრის და ზნეობის წინააღმდეგია?

იმათო!“ რაა, ამ სიტყვებში ან კულაბზიკაობა, ან ტრაბახობა? მაგრამ წარმოიდგინე, რომ ამ სიტყვებს უფ. ფურცელაძემაც ყური მოჰკრა, და აი, დღეს როგორი ცილისწამება: გხვდება: შენ სთქვი რომ ლაბულეს კი უნდოდა ჩემი გაცნობა, მაგრამ მე არ ვიკადრეო და სხვ. *)

და სხვ. და სხვ. და სხვ. და სხვ.

აი, ჩემო მკითხველო, როგორ იბადება ცილისწამება, როგორ მზადდება ბრალმდება და როგორ სდგება ჩვენი მოწინააღმდეგების „მსჯელობა“! საზოგადოთ იმათ არაფრის გაგება არა აქვთ, და სჯა, აზრის შედგენა კი ყველაფერზე უნდათ. მოჰკრავენ რასმე ყურს, ვერ გაიგებენ, გადაასხვაფერებენ, წაუმატებენ

*) ალბათ ლაბულე მაშინ და ეხლაც უფ. ანტ. ფურცელაძის „ღმერთი“ ყოფილა. ჩემთვის კი ის 1865 შიაც ის იყო, რაც ეხლა მთელი ქვეყნისთვის (ფურცელაძეს გარდა) არის: უფერული, უპარტიო ბურჟუა, დღეს რესპუბლიკელი, ხვალ ბონაპარტისტი, ზევ ორლეანელი და მუდამ კი უგზა-უკვლო.

თავიანთ ტვინილამ მოგონებულ რასმე და
გამოდინ ქადაგებით: „სკანდელმა აი რა სთქვა,
მე მითხრა, ბატონო, ამა და ამ პირების იქ
დასწრებითო!“ და ამის გამგონი (მეტი რა ღონე
აქვს), ფიქრობს: დიდი ცრუ-პენტელა ყოფილა
ეგ სკანდელი ვილაც არისო! და შედგა „სა-
ზოგადო აზრი“! წადი და ზდიე მერე შენ იმას
კუდში.

რაც შეეხება სხვა პიროვან ცილისწამებას,
ზოგზე მე ზემოთ ვილაპარაკე, და ვინც კითხვა
იცის, ის ადვილათ დაინახავს რა გვარი იარა-
ღისთვის მოუკიდია ხელი უფ. ფურცელაძეს, ვის
ამოდგომია გვერდში და რა პარტიას გამო-
დგომია კუდში. თუმც მე დიახაც საქებრათ
უნდა მიმაჩნდეს იმისთანა გაზეთის მხრით
გინება, რომელსაც ანტ. ფურცელაძე ასახე-
ლებს, თუმც მე დიახაც უნდა ვამპარტევანობ-
დე, რომ ნაგინები ვარ იმ პირების თანასწო-
რათ, რომელთაც ვერაფერი ტალახი და ვერ-
ფერი ფურცელაძე ვერ გათქერს, მაგრამ, ჩვე-
ნი ქართული მწერლობის გულისთვის მე—ზე-

მოდო ნათქვამის გარდა, აი რას ვუპასუხებ უფ.
 ფურცელადეს.

თუ იმას ერთი ოდნათ მაინც სჯერა ის,
 რაც თვითონ დაუწერია და დაუბეჭდია ჩემზე
 თავის სტატიაში, თუ იმას მართლა ჰგონია,
 რომ მე უპატროსნო კი არა, ცოტაოდნათ ძა-
 გების ღირსი ვარ, პიროვანი მხრით, თუ იმას
 მართლა ის აზრი აქვს გულში, რომ ჩემ სა-
 ზოგადობრივ მოქმედებას პიროვანი მიზანი
 აქვს, გამობრძანდეს, განიხილოს მთელი ჩემი
 ცხოვრება, შეკრიბოს რაც უნდა ცნობები,
 ჭორები და ხმები და მითითებით, თითოეული
 ჩემი მოქმედების დასახელებით და აწერით
 დაუმტკიცოს საზოგადოებას ჩემი უსინდი-
 სობა ან უვარგისობა. თუ ბიჭია, თუ უმ' გავსი
 ცილისმწამებელი არ არის, გამოვიწვევთ რომ
 ამ გვარი საბუთიანი, საფუძელიანი გამოძიე-
 ბით და გამოკვლევით დაამტკიცოს თავისი
 უსაყუძლო აზრი, ვითომ მე ძაგების
 ღირსი ვიყო. თუ იმას „მნათობი“ აღარ აქვს,
 თუ იმას ცალკე წიგნათ ბეჭდვა არ შეუძლია,

გაგვიხსნა იმისთვის „კრებულის“ ფურცლები. ჩვენ მის ნაწერს ამ საგანზე, რაგინდ უმსგავსო და სასტიკი ცილისწამებით და დაბრალვებით იყო ის გავსებული, ხელ-უხლებლათ, შეუცვლელათ, სრულათ დავბეჭდავთ. მობრძანდეს, აბა, და დაუმტკიცოს თავისი აზრი ჩვენს მკითხველებს, წარმოუდგინოს იმათ მისი დამამტკიცებელი ფაქტები, და ენახათ, მაშინ, რამოდნათ საფუძვლიანი, რამოდნათ სინიღისიანია მის მხრით ჩვენი ლანძღვა და გინება.

სიტყვას ვაძლევ, რომ არც ერთ მის ცილისწამებას მე უპასუხოთ არ დავსტოვებ, არც ერთ ფაქტზე არ ვიტყვი - ეს ჩემ შინაურ ცხოვრებას ეკუთვნის, არც ერთზე არ ვიხმარ მის წინააღმდეგ თანასწორ იარაღს, არც ერთი სიტყვით მის საკუთარ კერძობით ცხოვრებას არ შევეხები, და არც არასოდეს არ ვაძაგებ იმას იმის გულისთვის, რომ ის კი ჩემ კერძო ცხოვრებას და პირად ხასიათს შეეხოს. ამ პირობებით ნებას ვაძლევ

თხზულებებიდამ ამოგვიწერია, და იმ ადგილსუბ
გვითითებს სადაც დობროლიუბოვი თითქმის
სიტყვა-სიტყვით ამავე აზრს გამოთქვამს. ეს
ლითად მაღლობას უძღვნით უფ. ფურცელა-
ძეს ამ გახსენებისა და გამტყუნებისთვის!—
დიახ, მკითხველო, ეს აზრი, რომელიც ეხლა
წვრილი ასოებითაა დაბეჭდილი, გამოუთქვამს
იმისთანა პატიოსანს, გონიერს, ნიჭიერს და
თავგამომეტებულ მწერალს, როგორც დობ-
როლიუბოვი, იმ პირის წინააღმდეგ, რომე-
ლიც თუმც თვითონ კვარტლათ იყო, მაგ-
რამ Современникъ, ის მწერლებზე კი ბეჭდდა უ-
პატიოსნები ირიანო. დიდი მაღლობელი ვართ
უფ. ფურცელაძის, რომ ამ ჩვენს სიტყვებს
იმან დობროლიუბოვის მაგალითი და ავტო-
რიტეტი მიანიჭა.

მაშ ნახვამდის, უფ. ფურცელაძე!

ნ. სკანდელი.

